

JUN 22 1933


新會  
沙堆僑安月報  
THE KIUN GAZETTE

中華民國廿二年

六月十五  
出版

第七十九期

紙類  
認為新聞  
中華郵政特准掛號



- 1 論著
- 2 時評
- 3 鄉聞
- 4 僑聞
- 5 區聞
- 6 衛生談
- 7 轉載
- 8 社會一般
- 9 名人史略
- 10 詩林
- 11 泰世格言
- 12 徵信錄
- 13 告白

JUNE 15th 1933

革命尙未成功



總理遺囑

同志仍須努力

余致力國民革命凡四十年其目的在求  
中國之自由平等積四十年之經驗深知  
欲達到此目的必須喚起民衆及聯合世  
界上以平等待我之民族共同奮鬥  
現在革命尙未成功凡我同志務須依照  
余所著建國方略建國大綱三民主義及  
第一次全國代表大會宣言繼續努力以  
求貫徹最近主張開國民會議及廢除不  
平等條約尤須於最短期間促其實現是  
所至囑

# 本報啓事(一)

- 一、本報以提倡鄉中各種慈善公益事業及改良風俗爲宗旨。
- 二、各親友投稿。不論文言白話。與本報宗旨相符者。極表歡迎。惟編輯部有刪改權。登載與否。恕不發還。
- 三、本報每月出版壹次。凡寄稿件。請於國歷壹日以前寄來。以便彙印。
- 四、本報承登告白啓事等件。價甚相宜。但篇幅濶窄。登期長短。須與李祐韶君廖洪烈君或宋華杞君面商。
- 五、本報編輯部。設在沙堆鄉橋安會。親友如有投稿。請直書抄正照上列住址寄交編輯部收入便妥。
- 六、本報本有聞必錄之義。倘新聞登載與事實不符者。希即來函更正。
- 七、本報定價內地每册壹角。全年壹元。郵費另加。寄往外國。額收金銀壹元二毫五仙。郵費在內。
- 八、本報文字。錯漏之處。在所不免。大雅君子。希爲教正。
- 九、本報內容。期期變更。以免呆板。閱者諒之。
- 十、本報設德律風一欄。爲利便鄉人致信外洋親友起見。但每一信件。不得超過五十個字。否則照告白例給價。

本報啓事

### (本報啟事二)

本報為節省印費及郵費起見。特於是期起。減省各欄篇幅。請各界投稿友閱者諸君見諒。

### 本會緊要通告(一)

為通告事。案查本會建築會所時。規定凡本會會員認款叁元以上者。由其本人照章自影照片寄歸。懸于會內。以留紀念。但查各會員。有照片寄歸者。不過二百餘人。其餘未有照片寄歸者尚多。茲定期由國曆四月十五日起。至十月十五日止。希各捐款會員。在此期限內。一律照章將其本人照片寄來。俾得彙齊分別裝載鏡架內。懸于會中。以留紀念為幸。  
中華民國二十一年四月四日 沙堆華僑安會啟

### 本會緊要通告(二)

為通告事。竊惟報紙乃強國之利器。月報為外僑之耳目。故欲鄉僑深悉家鄉時事者。不能不藉文字為傳遞也。我沙堆僑安月報自開辦以來。愛閱諸君。有如風起雲湧。足知我鄉僑與該月報感情之深矣。惟印刷費浩大。郵費類加。非賴我僑熱心捐助。無以維持於永久。但欠報費日多。更難維持。凡欠報費者。希速如數交來本總會。俾彙齊付歸。以資維持為幸。  
中華民國二十一年七月一日 雲高華埠沙堆僑總會

# 論著

## 鄉民與鄉長

晴暉

駕輕舟。渡重洋。乘風破浪。得登彼岸者。固司舵者之力。若稍不慎。將必駛向斷潢絕港。全舟之人。覆沒於洪濤巨浪中。共葬彼兀魚之腹矣。乘汽車。跑長途。瞬息千里。得達目的地者。固司機者之功。若稍不慎。將必陷於危崖絕壑。全車之人。粉身碎骨。長爲豺狼食矣。若是夫搭客之生命。悉懸於司舵司機者之一身。其職責。不綦重歟。吾以是知鄉民者。猶搭客也。鄉長者。猶司舵者與司機者也。曷以言之。蓋一鄉之政事。全付托於三數鄉長。鄉長賢而能。鄉政自臻於良善。鄉民得享無窮之幸福。鄉長庸而劣。鄉政必至於腐敗。鄉民即受無窮之禍害。孔子曰。無政在人。豈不然哉。豈不然哉。

雖然。鄉長何自來。非來自鄉公民中者耶。彼鄉長所以爲鄉長。非由

鄉公民選舉得而爲之者耶。是則鄉政之良窳。不在鄉長。而全在於鄉民。故欲鄉政之修明。則不可不具有如炬之眼光。堅強之理性。斷然之手腕。

眼光者何。夫十室必有忠信。三人必有我師。何況一鄉有萬數千之公民。萬數千公民中。有才有德者大不乏人也耶。在於選舉鄉長期中。當先審度鄉間之某也才。可以勝任愉快。施政優優者。尤當審度鄉間之某也賢。最爲公民所信仰。可作中流之砥柱者。然後可選舉之。如甲有才矣。但以賭博爲生活。以片烟爲食粟。吾信其素性必貪。貪則必劣。劣則必豪。若選舉之。如虎添翼。傷人必厲。其何以堪。如乙有德矣。但無才以濟之。被人愚弄。如木偶然。問其鄉政如何設施。則瞠目而不能對。叩其民訟如何調處。則結舌而不能言。若選舉之。數學所謂等干零而已。鄉長乎何有。然欲選舉才德兼優之人物以爲鄉長。則如炬之眼光。不可不具。然吾聞每屆鄉長之選舉。有桀黠之徒。以金錢賄賂。運動選票者。或有豪強之輩。以威權壓迫。劫持選票者。鄉民如有眼光。洞察其弊竇。則當本民權之

理性者何。葢味之甘苦。舌所能辨。色之皂白。目所能分。物之輕重。手所能權。氣之香臭。鼻所能覺。音之強弱。耳所能聞。豈人之良歹。心不能知耶。雖然因空間性或時間性問題。味之甘者可變而爲苦。色之白者可變而爲皂。物之重者可變而爲輕。氣之香者可變而爲臭。音之強者可變而爲弱。人之良者可變而爲歹。在所常有。鄉長之人選。其今日所稱爲才者。難保其他日不變而爲庸。現在所稱爲賢者。難保其將來不變而爲劣。鄉民偷遇此等先才賢而後庸劣之人物。必須根據我之理性。行使我之彈劾權。糾正之。使其悛悔自新也。故堅強之理性。不可不具。

手腕者何。一畝之禾。未嘗無秕。一羣之馬。未嘗無驚。禾之秕者。若不除之。則秕將滋生。禾受其奪矣。馬之驚者。不早去之。則驚將駢。馬被其害矣。人何獨不然。夫一鄉之鄉長非一。有三四人焉。有五六人焉。有八人或九人焉。若是夫未必盡是賢而能者也。其非賢而能者則爲庸劣之人也必矣。爲一鄉之長。既庸且劣。鄉政尙堪問乎。鄉民受害。尙堪設想乎。然則鄉民苟遇此庸劣之鄉長。將何以處置之。則決不可囿於感情。



。迫於勢力。遲遲然。戢戢然。徒歎莫奈伊何者。固當實踐民權主義。行使我之罷免權。以罷免之。使其銷聲匿跡。永遠不得出而問世。而爲一鄉之害也。故斷然之手腕。尤不可不具。

但欲鄉民具有上列三者。決非今日之蚩蚩者。不識之無。所能達到。誠以眼光也。理性也。手腕也。其高下深淺。均以智識高下深淺成正比。故智識高深者。其眼光必炬。其理性必強。其手腕必敏。智識下淺者。其眼光理性手腕必下淺。若以無眼光無理性無手腕之鄉民。對於鄉長。安知某也賢。某也劣。某也能。某也庸。即知某也庸劣。而智識淺薄。又安敢行使其應有之彈劾權。罷免權。夫如是。則爲鄉長者。可以壟斷鄉間一切權利。中飽其私囊矣。可以恣意妄爲。橫行鄉曲。魚肉鄉里矣。鄉民乎。忠厚之鄉民乎。欲爲鄉長之監督者。欲使鄉政完善共享幸福者。速於政府僑行識字運動之際。努力求智識焉可也。

(未完)

### 爲陳案協捐之向我僑胞懇切陳詞(曾士英投稿)

捐之要求於吾僑。於今爲亟。語其著者。則水濫中原。救災則集慈航而拯



溺。風颺古島。恤鄰則施義粟以賑飢。此捐之出於惻隱之心者也。東夷肆虐。要陞淪亡。欲濟義軍於槍林彈雨之間。而超難民於火熱水深之外。器械食料。待需孔殷。抵抗長期。於焉有責。此捐之出於羞惡之心者也。餘如救濟夫業也有捐。解除苛例也有捐。與乎一社會或一地方之慈善公益。於其各個之範圍內。亦莫不有捐。舍己身之財力。以濟人事之危難。年來吾僑對捐字之義務。亦云盡矣。在經濟恐慌期中。吾僑縮食節衣。經幾許艱辛。甫獲蠅頭之積。茲已告勞於屢捐之餘。則事非冤抑。情有難平。其何敢無端以絮聒吾僑之耳目。更何忍藉故以耗費吾僑之血汗也哉。

然而辦理陳安君之慘案。則有不能不求助於吾僑者。夫水平不流。人平不語。以陳君之忠實。竟遭歹人謀劫慘傷。而死於非命。寧非不平之事耶。爲此不平之鳴。諒得吾僑之同情者也。惟欲伸不平之冤抑。不外從事於追兇。現已案懸月半。匪特正兇難尋。卽屬嫌疑之犯。尙無一式。則未拘兇。將何以促警探以查捕之。既拘兇後。又何以懇法官以懲辦之。凡茲運動。非財不行。然則此宗巨款。其可以咄嗟立辦耶。使陳君而有殷裕

之昆仲。囊中罄乏。固無待乎捐者。然而無有也。使陳君而有富足之良。指而捐之。途。厄。又無待乎捐者。然而亦無有也。淪冤魂兮孤。悲。我慘矣。爲之奈何。此所以不能不出於勸捐者也。問。能力有限。問。亦云欲助無多。因念孤掌難鳴。衆擎易舉。所不能不向吾僑勸捐者也。

捐矣哉。僑爲。抱冒險奮鬥之精神。隻身萬里。異族逼處。動輒得咎。偶一疏防。易罹不測。嗚呼。份子受侮。羣衆懷慚。矧視同僑生命之慘。有。悲。填胸者乎。以是而知吾僑本其羞惡之心。爲相愛互助計。必。案之進行也。且西憲之凌我。亦已甚矣。其視吾僑之生命。曾豚犬之不如。宰割隨意。幾不以人類相待。前乎陳案者。蓋已屢見不鮮。兔死狐悲。物傷其類。長此以往。苟無以懲兇惡而儆將來。則不但幽冤莫伸。抑且僑命莫保。以是而知吾僑本其惻隱之心。爲除暴安良計。更當。以助陳案之進行者也。

僑胞乎。荷埠陳案伸冤委員會。行將出發勸捐矣。公安支會篤念梓桑

之誼。故有協會之設。屆該專員蒞灣時。當然派員協指。襄助進行。作者不敏。謹以懇切之言。而進告於我僑胞之則。務望吾僑量力捐助。俾得巨款集成。而該會藉以完成其懲兇伸冤之任務。蓋其用意。亦與省些雪茄之烟值。而捐一彈之代價。以殺倭寇也。將毋同。

### 陳案伸冤協會成立宣言（公安支會宣傳科投稿）

正氣之死也甘而榮。非命之死也慘而哀。然使其人作歹犯科。則雖置身於桎梏。而受法律之裁制。事理之平。因無足惜者。無如以鄉黨之良士。僑界之誠商。愛羣愛國。未遂疆場灑血之志。竟爾冒險性成。蠻陳僻處。變來午夜。起拒強寇。遂以中彈斃命聞。如我鄉僑陳安君者。噫、可哀也矣。吾僑對此。爲之奈何。徒哀之。而不求所以鳴其不平。忍任冤沉莫白。哀又何益。若以除暴安良之心理推之。敢信吾僑不但存兔死狐悲之觀念而已也。乃者荷埠僑胞。本近地爲親之義。已有陳案伸冤委員會之成立。對於追兇辦法。早已着手進行。惟是孤掌難鳴。衆擎易舉。敝同人爰念桑梓

之誼。自不能袖手旁觀。此本協會之所由組織而成立也。今後本會之任務。是在查追兇手歸案究辦。而為死者伸奇冤。本會之性質。是以荷埠伸冤委會相策應。一至進行。而本會之應援。則不能不向我全體僑胞。懇呼將伯也。僑胞乎。陳案之慘冤能雪與否。除望我賢領事官促該地軍警追兇外。則惟有視吾僑所許與吾人之助力為如何耳。敝同人不敏。幸吾僑進而勉之。謹此宣言。



時評

## 鄉長選舉之運動忙

狂生

本月廿日。本鄉第二屆鄉長選舉。其情形已紀本報。閱之而覺彼謀鄉長者。不知有何權利。運動選舉。如此其多。如此其忙也。爲權乎。以空閒言之。不過一鄉。以時間言之。不過一年。眇乎其小。短乎其促。實馬姑壘之不若。權復何有。爲利乎。月薪十五元而已。在此羅掘已窮之際。鄉公所之費。尙無所出。個人薪金。將焉取之。實爲販夫走卒。月求十數元之工食。較爲易易也。利復何有。豈其醉翁之意不在酒者乎。抑亦匪夷所思也。

## 第二段各鄉代表會議

晴暉

關於本區第二屆區長縣參議之選舉。被第一段吳趙等姓壟斷票數。第

二段沙堆、梅閣、梅灣、沙角、大沙灣、等鄉。以其串同作弊。包辦選舉。剝奪民權。實屬不台。遂於本月二十三日。召集二段各鄉代表會議。當時提出三大對付方案。消極的。通傳二段各鄉各里公民代表。不可出席投票選舉。積極的。(一)呈請官廳劃區分治。(二)呈請官廳定期核算區公所歷年進支數。若是者第二段其將來果能實行與否。茲未敢遽斷。要之此舉。固足以喚醒第二段各鄉公民之迷夢者也。第二段各鄉代表其努力。第二段各鄉公民其奮鬪。



# 本鄉新聞



## △兩宗私烟一逃亡一被獲

前月廿七夜、禁烟分所函請古井公安分局派警協同該所稽查員、前赴宅美里搜查私烟、當時在曾阿孟家中搜出烟具一副、烟灰一盅、惟曾於烟所稽查敲門之際、即由屋頂逃亡、故祇被搜去烟具、而人未曾被獲云、同夜該禁烟分所得線報知、西寧里宋日進與趙發在梅閣鄉煮烟、乃即請派軍警赴梅閣搜查、當時搜獲私烟數十兩、并將宋趙二人拿獲、旋由該所將趙寄押於駐本鄉警衛隊、將宋寄押於分局、擬候分別懲處云、

## △小孩子被沸水燄傷

西寧里宋峻儀之子、年僅二齡、已能匍匐、詎于前月廿八日午、宋妻煮茶、不知因何事故、行往別處、放置其子於地、其子緣近爐邊、用手一抓、



抓落茶袋、此時袋內之水、經已沸騰、遂至燎傷鬚部、該孩痛苦異常、即用手向鬚部一搔、皮肉盡脫、啼哭不已、宋妻方知該子被沸水燎傷、聞其傷勢極重、有性命之虞云、

### △乘姊病危竊取財物

富成里廖崇利之子、曾娶居安里林舉強之次女爲妻、廖子早逝、遺下一妻兩女、詎林氏忽染危症、當時林舉強之少女、(已嫁梅閣蔣用鼎子)以姊妹關係、特來探望、見伊姊病重、無藥可醫、乃乘其不省人事之際、私開箱積、竊取金約指三枚、金耳環一對、珠眉一條、四四金錢三枚、綢緞衣服數件、用叻袋裝置携去、無何廖媳病逝、廖將其箱積開視、空空然一無所存、嗣後廖林氏兩女、對廖說、阿姨當母親臨危時、將物盡行用叻袋裝去、廖將情赴報分局、請飭警拘傳蔣林氏到案、追贓給領、分局據情即派前赴梅閣鄉傳案、當時蔣林氏自願將財物交還、惟該鄰近一般爛崽竭力爲蔣林氏維護、並對警察聲稱、俟他日上祠集議、應否交還、然後答覆等語、

警察以力單薄、被該爛崽包圍、無法拘傳歸案訊究、亦即回局將情形報告云、

### △窃仔光顧

蓮塘里廖勳集、因投本鄉熟烟、在某處取毫銀壹仟元、携歸家中、原欲盡將該款放入櫃內、但以櫃小不能容下、故祇將六百元放入櫃中、其餘四百元用小籬裝載、放在房門口內、詎于前月卅日夜、被窃仔偵悉廖在外宿、乃以鐵線拗曲成匙、開門潛入、偷去其小籬所裝載之四百元、比廖妻醒起、見小籬不在、始行發覺被窃仔偷去、其時竊仔已逃許久矣、

### △偷雞蛋被拿掃街

古井湯松盛、年約十八歲、于前月廿日到新沙里其親戚處、覓工棲身、寄宿一夜、翌晨、以無工可做、遂告別携物而去、行至望牛石、該親戚家中有一小童、見雞籠內母雞所孵之卵、盡行失去、即猜疑湯所爲、遂追及之、使開喙搜查、湯心怯、力拒不允、小童糾纏到後備隊、請隊兵搜之、檢

視該噫、果有雞卵十數枚、問所從來、無詞以對、遂拘留之、旋由後備分隊長廖崇燧李奕宏二人、擬罰湯掃街兩天、以示懲處、釋放作了云、

### △本鄉第二屆鄉長選舉籌備員已委出

按地方自治法規所規定、凡鄉長每屆選舉、先由區公所委現任鄉長一人在鄉公民中擇委二人為鄉籌備員、以為該鄉選舉鄉長之籌備、茲本鄉由區公所委出宋峻儀(現任副鄉長)廖繼榮廖勳頌二人為籌備委員、該二人奉委後、既于本月一日舉行就職禮、並佈告各里週知云、

### △旅美先友遺骸領歸招領

我鄉旅美先人遺骸、日前由僑安會派人出城領歸招領、今達善醫所成立、此項工作、當擬由醫所善董辦理、故該所善董、查悉本鄉旅美先人遺骸、現有五具寄到會城、遂派廖崇燧赴城領收、聞廖于本月二日領歸、即由醫所張貼通告墟上、通知該先人親屬到領、茲將該通告錄左、為通知事、本鄉旅美先人遺骸、已由本所領歸、希各先人親屬、速到本所領收為幸、茲將

各先人姓名列左、葉關 宋春華、葉柏勝、林榮邦、曾統昂、達善醫所中  
華民國廿二年五月二日

### △得罪庶母被拘

東成里陳其之十陳漢、染有烟霞癖、因黑木無着、竟竊取其妻李氏之花布仔衫一件、及其子銀鍊一條、携往典當、以作吹吸之用、不料被其妻發覺、乃糾纏之、陳因羞成怒、痛毆其妻、其庶母梁氏聞訊、往責讓之、陳復向其庶母慢罵、梁李兩氏、以陳野蠻兇悍、遂赴報分局、請飭警傳案訊究、分局據情、即派警將陳拘拿、勒令具悔過狀釋放作了云、

### △家姑何太惡

仁興里廖盛烈、尚在外洋、其妻林氏、生性兇惡非常、故該里鄰人、曾給以(醜家婆)(橫紋柴)之徽號、本月四日、其媳某氏、與鄰舍妯娌購屐一對、請林氏給值、林氏不肯照給、仍多方詈罵、其媳避之、詎林氏愈罵愈烈、竟將家內鑊鍋碗埕等用具、盡行破毀、鄰人勸之不聽、尙向勸之者痛罵

一場云、

### △店伴擲傷小童

本月四日生隆號店伴曾炳福、在溪邊洗面、時有兩邊里小童李有合、在路  
上見之、因戲之曰、撚得真靚了、曾聞言大怒、俯拾石子一團、向李童一  
擲、竟中李童脚眼部、因傷流血、痛不能行、曾復奔上路上、執手拖之、  
李童當時屎出尿流、行人對曾多非議、警長李春繁見之、乃傳曾李雙方到  
局問話、分局以曾是成年之人、而李是一小童、今以成年者擊傷未成年者  
、實屬背理違法、聞卒由分局判曾補回李痛藥費銀二元、另依違警罰則從  
輕罰銀三元作了、

### △狗咬小童賠償醫藥

本墟萬福棺材店、養有黃狗一頭、該狗身材偉大、性兇不馴、本月四日晚  
、豆腐亮之店伴蔣阿英、年約十三四歲、在該店門首經過、被該狗向蔣阿  
英股部咬傷、當時痛不能行、豆腐亮聞訊、即與之理論、詎該棺材店伴、

尙不道歉、仍說便宜話、旋糾纏到古井公安分局調處、卒由分局責令棺材店伴買藥爲蔣醫治、并限日將該狗宰殺、双方情允、始行遣去、

### △買田交易後發生轆轤

南安里胡昭康、于去年收公路股時、用過公款百餘元、一時無款交出應付、致被該里人士躋踴、當時田唇里胡世燾、在該里胡黃氏揭銀壹百元、代爲交妥、以昭康名下之田爲按、今年昭康將田賣與南邊里陳光、詎陳受昭康蒙蔽、于月之十四日交定、十五日標帖墟上招人報數、十六日交易、昭康接得產價、即赴江門賭館孤注一擲、因此無款償還、世燾知之、以昭康產業毫無、無從入手、乃央陳光揭與昭康毫銀五十元、爲償還胡黃氏之款、俟昭康有收入時、然後償還陳光、時陳首肯、當即由昭康寫揭據交陳收貯、不料陳光後悔、不肯交銀、遂將揭據交回昭康、昭康以陳食言、不肯收受、世燾以該款無着、惟昭康前所按之田是問、於是一面用木板豎封該田、一面將情呈訴古井公安分局、請求辦理、聞分局據情後、即傳集各方

到案訊明調處云、

### △老夫妻離異

墟商鄧榮、曾娶一再醮婦某氏、以助理商務、但魚水無緣、時生齟齬、動輒打出街外、本月五日、鄧與某氏不知因何事故、發生吵鬧、致不相能、均願離異、六日晨、某日搭渡赴江、行經龍王廟後、鄧榮跟踪拉之、聲稱你去任你去、我失了一條鎖匙、要快交回我、某氏堅不肯、當時落渡搭客、見一對老夫妻糾纏路上、無不捧腹大笑云、

### △僑安會開第七次會議紀

僑安會於本月六日開第七次會議出席者鴻烈廷章勁民祐堯世添紀道崇文時順崇浣列席者崇滿金星昭國勳迪祐韶廷添華頌崇典重光世卿華沛廷儀、主席勁民紀錄雲從行禮如儀甲報告事項(一)雲埠總會來函一件附沙堆銀業有限公司招股章程乙份(二)古巴支會來函報告陳安君于三月十三日被西匪鎗斃經過情形乙討論事項(一)關於本鄉選舉鄉長宜本會應否參與案(議決)不



應參與至選出鄉長時良者助之不良者反對之(二)關於本鄉下屆海防本會應否預派人赴江承充案(議決)繼續承充當席派出廖崇典君赴江與海防總公司接洽減餉每天餉銀不得超過拾元

### △達善醫所碑記照錄

達善醫所善董、以廖崇滿捐地一幅、及鄉人踴躍捐款、熱心可嘉、特議決勒石、以示表揚、而留紀念、該碑記文、由劉勁民撰書、茲將其記文錄下、疾病、人生之至苦也、行善、人生之至樂也、英屬鄉僑、募款回鄉、籌建醫所、亦欲以行其樂善之志、遂其救苦之念也、惜以未獲適宜所址、乃數久不見成、民國二十年春、廖君崇滿、將接龍橋畔之田一畝一分、捐為所址、僑胞於是慘淡經營、從事建築、期年、達善醫所樓宇巍然告成矣、衆以面積狹隘、不敷運用、廖君又並鄰田三分相贈、以爲擴充、嗚呼、僑胞之戮力公益、熱心慈善、厥功固不可湮沒、而廖君之當仁不讓、見義勇爲、亦可風也、因記之、以勗來茲、而垂永久、

## △半途辭工之店伴

有薛基者、爲富香茶樓傭工、於正月十一日開始、當時薛與店東梁社訂明、每月工銀八元、薛做了七十五天、計應得二十元、詎薛前後收去銀三十餘元、竟行辭職、轉往佛笑樓傭工、梁社以薛既支過工銀、而半途辭工、又不將工值補回、形同棍騙、遂即赴訴分局、請傳案訊追云、

## △冒名賒衫糾纏到局

東坑里廖崇來之圍伴梁松、辭工之後、竟冒崇來之名、到德榮布疋店賒衫一件、價銀一元六毫、未幾、廖發覺、遇梁於途、向之追討、梁答稱交我現在某處傭工、請跟來取、廖隨到某處、竟全非、梁復使廖跟他到家交付、詎行至半途、梁發足逃亡、廖無奈伊何、回首而歸、至本月七日、廖適見梁於田間、欲拘之、梁狂奔、跌入泥中、廖纏梁到古井公安分局、請求處理、分局見梁右眼不能開、淚頻流、延醫驗之、醫生謂梁右眼被泥藏入、致受微傷、分局以廖梁兩人、均屬有罪、遂擬定調處辦法、梁之醫藥費

由廖負責、衫價一元六毫、限梁即交與廖、雙方允簽、遣之而去。

### △搜獲仇貨盡行焚燬

本月八日、廣東民衆救國會新會分會、派遣檢查員二名、到鄉檢查仇貨、該兩檢查員、當即照會警察警衛隊協助前赴墟上布疋洋雜等店、逐店檢查、時在新昌布疋店、搜獲仇布三十一疋、該檢查員、欲將布疋帶往新會鑑定仇貨會鑑定發落、但墟間以前一次檢查、搜獲仇貨甚多、盡帶而去、其將貨變賣、抑將焚燬、去後並莫聞覩、乃懷疑其不無藉救國之名、而有中飽之實、遂對於此次、羣起請求當日當地焚燬、藉以激發鄉間愚天愚婦愛國之心、該兩檢查員、始堅不肯、後由古井公安分局警衛隊出而對該兩檢查員曉諭以理、始行首肯、旋將該仇貨携往樂豐年米機對面公路焚燬、一時男女往觀者人山人海、聞嗣後搜出仇貨、除焚燬外、仍須重罰云、

### △閘樓拆而復築

崗美里、向有南北閘之分、該里於八九年前、在北邊建有閘樓一座、向安無

異、本月某日、北關婦女、以該關樓有礙風水、不待集議贊同、自行拆毀、南關人士、以彼等婦女、擅毀公物、大加反對、當時康樂委員會委員、恐事擴大、即開會討論調處辦法、擬由北關補出開價銀數百元並將拆關人處罰、至于關樓、不再建築、免啟爭端、時北關人首肯、南關人不允、結果、聞由該族委會議決要北關人將關樓復築、北關人亦無反對云、

### △△鄉公民會議

本月九日、鄉公民以鄉公所各鄉長、就任至今、計已年半、其財政進入若干、支出若干、決算尚未公佈、不能不令全鄉公民懷疑、又以區路會諸委員、所定路線、太過曲折、且辦事不力、遂召集假座僑安會開會討論應付方法、當時到會者數十人、言論非常憤激、聞所議決要案、交由本鄉留省學界、根據呈訴官聽、但可惜開會時、鄉公民無秩序云、

### △△賣屋樓轉

田厝里林慕遂、數年前、被賊擄去、至釀成官訟、其妻胡氏、在林榮進借

得毫銀以拾元、未幾、還回五元、計尙欠捌拾佰元、至今林舉遂、妻亡子逝、殊獨一人、勞勞子立、思賣其屋、以終餘年、乃將屋勳與李帝連、訂定產價貳佰元、李於交易前、交林定銀柒拾元、林舉遂之侄林贊知之、欲引先親而後陳之習慣、阻止交易、思與舉遂承買、但計其屋產價除一百七十七元外、尙餘二十元、無從清還榮進欠款、且舉遂對於榮進欠款、狡不承認、榮進之妻因此赴訴分局、請求解決、分局於本月九日、傳集幾方到訊、聞卒未能遽然解決云

### △投充駁艇防費

本鄉公所、以公路第一期招募股款、區路會催討、急如星火、無法應繳、遂決議將駁艇防費預投、取毫銀貳仟伍佰元、由投票者出年期投充、以應繳第一期公路股款、達善醫所善董、臨時加取一百元、以充該所經費、計共毫銀二千六百元、於本月十日當鄉公所召集下票投充、投得者爲廖仍烈、出年期六年五個半月、即由民國廿三年廢曆三月十四日起、至民國廿九

年慶慶八月廿九日止云。

### △打架被拘

本月十日、宋壽進向宋松柏討還欠款二元、當時松柏無款應還、由是喊打、宋泮見討款太急、即上前勸壽進聽候攤還、壽進以宋泮袒幫強勸、故向宋泮毆打、致傷眼部面部背部、宋泮遂即赴訴分局、分局飭警傳壽進到案、詎他自知理虧、匿不敢到、翌日、警察拘他到局、令補受傷者藥費銀二元、竟不肯、仍說豪語、分局正欲將壽進鎖禁懲戒、旋由某某到局說項、並答應負擔藥費、卒將壽進釋放云、

### △奸商手段弄巧反拙

富怡茶樓店東梁耀、日前赴局訴稱該店伴薛基、支過工銀、竟行辭工、請傳案訊追一案、聞分局據情、即傳雙方及部據訊查、據薛供稱、共支工銀二十三元、論月計算、工值已合、論日計算、則支過三元等語、旋檢查梁耀部據內有一數、其銀碼原寫四錢三分二、後將加碼四字改為九字、變為

九錢三分二、分局以四錢三分二、適是六毫、而九錢三分二之數、比一元三毫爲不足、比一元二毫半爲超過、店伴支銀、決無如此零碎、且同一個字、而筆畫有淡濃、顯是梁耀欺騙無疑、當即將梁耀申斥一番、並勸令薛基補梁三元作了、詎梁耀不知己非、往請商會辦理、旋商會明白其中情形、亦置之不理云、

### △偷蔗被獲旋釋放

東昇里林□□、素染神經病、于本月十日晚、獨往有安園偷蔗、當時被岳圍伴拿獲、解禁本鄉後備隊部內、翌晨、樹崇到隊部見之、乃係永樞之該父有親戚關係、因即放之云、

### △討賃牆夾銀一時哄動

田唇里早年建築礮樓時、在馬整里賃得牆夾數副、計租銀數十元、田唇旋因的款無着、致租銀拖欠、但前年交了多少、尙欠十元零數毫、至本月八日、馬整里有三數後生、到百瑞廟祠向胡世燾催討、世燾當時不肯將款交



該後生、以致互相爭辯、哄動一時、後由世燾將款交馬整里父老李祐和收回云、

### △妾侍逃亡

本月十日、東坑里廖烈勸之妾、乘往梅灣戚屬探親、被聶阿鳳串引逃往廣州、廖妻余氏開訊、即赴報分局、聲稱妾侍趙氏、今朝由梅灣搭渡逃亡、查係楊宜頌串引、請傳案訊究等語、分局據報、即派警前赴梅灣鄉傳楊到案、訊據供稱、趙氏與我係日前有妯娌關係、我新由廣州歸來、適遇于途、故呼她坐談、並無串引情事、今朝趙氏偕聶搭渡赴省、聲言學習織造、總之我担承遲日與廖妻赴省到聶阿鳳居處尋覓等語、分局以趙係聶帶逃、於楊無甚關係、遂遣之而去、

### △被人毀傷請局訊究

麗光剪髮店伴劉携、於本月十壹日赴古井公安分局訴稱、珍和店東羅興、常對人說我妻曾氏、結交許多情人、又謂我孩子、係他人之結晶、我之願

友將羅所說、具以告我、但不之信、今日我又親聞羅講、故來報局、請傳案訊究等語、分局即傳羅到局、訊據供稱、我並未會說過人之閒話、今劉到訴、請飭覓証人等語、劉當時在局、謂有羅之店伴爲証、分局隨傳羅之店伴楊順林田二人問話、楊稱確係事實、林稱未之嘗聞、分局以楊與羅素生惡感、而林是羅之牛徒、雙方不能盡信、遂飭劉覓第三者爲証人、然後再行核辦云、

### △吸私煙被拘

本月十五晚、禁煙分所稽查、偵悉廖桃石廠石匠陳源、在廠內開燈吹吸私煙、即行函請古井公安分局派警協同前赴該廠搜捕、當時搜獲烟具全副、並吸烟人犯陳源一名、寄押分局、越日、聞烟所罰陳毫銀五元釋放、

### △留難豬販

本鄉後備隊分隊長廖崇礎李奕宏、以年來本鄉失豬甚多、無從追究、故爲防範盜竊起見、特擬定辦法、凡外人到鄉買豬、須到後備隊取出口票、方

得出口，否則以竊豬論，詎本月十六日，有梅閣豬販，到本鄉某里買得大豬一頭，正抬出境，為後備隊員廖磅看見，知其未有取出口票，遂即將兩豬販留難，聞由分隊長廖李兩人，向該豬販警告一番，導之而去。

### △打架都為錢

鼻堂里廖北求，前欠興仁里劉華炎毫銀十四元，先後還了四元，尚欠拾元，本月十七日，廖在萬棧攤館贏得毫銀二十餘元，劉見之，遂向之催討，廖堅不肯還，始則口角，繼而用武，終則劉被廖毆傷腮部，劉即赴報分局，分局即派警傳廖到訊，供稱我業于去年還清他，並未毆他等語，分局以廖劉兩人各執一詞，無從調處，旋詢諸第三方面，多謂廖確係欠劉之款，遂勸令廖北求減還劉華炎毫銀五元，雙方允簽，並由局罰廖貳元以示懲戒云。

### △老嫗投河自盡

鼻堂里，廖勳隆兩夫妻，年逾六十，生有二子，長子結婚，兒女成行，廖妻

與廖時意見不合、發生齟齬、于去年改嫁古井某甲、詎甲以她入門未久、竟行私蓄、乃逐之、垂首喪氣而返、但未敢歸家、子媳聞訊、力勸息怒、重叙天倫、竟弗聽、於本月十七日、潛赴橫浦橋、投水畢命、比屍浮水面、廖之子媳、然後知之云

### 嚴責部屬失職

後備隊員曾光、于本月十八晚在守望之際、竟行熟睡、被該分隊長廖崇礎、逡巡到部、見其溺職、即持鞭撻之、迨醒、向之責罵一番、以肅軍紀、而儆效尤云、

### 偷瓜被拘

龍灣村陸成(佳人)之子陸某、年約十五歲、于本月十八日、偷東昇里林五龍山崗之黃瓜、當時被林瞥見、但追之不及、翌日林報後備隊、請派隊員前赴龍灣村拘獲陸成之子陸某一名、正在起解之際、陸妻力爲糾纏、被林掌大向她毆傷、卒將陸子拘返後備隊部、聞由後備隊罰陸某運伙食共銀三

元四毫釋放作了云、

### △△毆打被拘

本月九日、陸成(桂人)與其妻到古井分局報警、聞所報稱、我子于本月十八晚、到田間放水、其時東昇里林五龍亦到田間放水、致互交爭、林遂誣捏我子昨日偷其山崗黃瓜、竟派有二四人來將我子拘拿、我妻跟踪糾纏、彼輩乃以鎗頭拳頭向我妻胸部亂毆傷勢甚重、請延醫當局診驗、並請拘拿林掌其五龍之子)歸案懲辦等語、分局據報、即延女廖淑芬到驗、驗其胸部正面及左邊受傷、乃給以藥水敷服、旋派警傳林掌大到案、本擬拘留、由宋千德林仰携二人具保、隨傳隨到、茲聞分局擬定處置辦法、陸成之妻受傷所用之醫藥費、計共三數元、由林掌大負擔、罰款則豁免云、

### △△衫不交贖報警傳訊

南安坐胡雨崖、于本月十九晚、赴報分局、聞所報稱、我于本月十四日、將紗衫一件、押與東坑里廖棠、得毫銀六角、訂明五天一期、期滿納利六

仙、(銀仙計算)十九日我到廖棠家求贖、適廖外出、四處尋之不遇、二十日我見之求贖、詎他以逾期作斷爲詞、不肯交贖、請局傳訊、勒令交贖等語、分局據情、即派警傳訊云、

### △軍警巡巡捉瘋漢

梅閣蔣某、日前在江門河與送人艇妹私交、致染伯牛大疾、歸來數月、未見出面、蔣母心急、往詢某寺老僧、瘋疾有何藥可以醫治、僧使他歸用百足煲水、飲之即愈、詎飲後數日、滿面紅雲、邇來蔣爲減輕瘋菌計、日偕其母在梅閣逕上聽候婦女獨行、乘機強姦賣瘋、故婦女咸有戒心、占井公安分局及警衛隊聞訊、以該瘋漢如此猖狂、擾亂治安、且遺禍不淺、故每日派有便衣軍警二各、到該逕上逡巡、如遇瘋漢作惡、即當場槍決、以絕後患、而安行旅云、

### △縣長選舉情形

本月二十日、本縣舉行縣長選舉、查全縣公民票數二千六百餘條、是日由

午十二句鐘、由該鄉公所鳴鑼、大呼鄉公民投票、在公民携票投票之際、忽然雷電交作、狂風大雨、至一時始息、於是一般選舉職員、齊集行禮、禮畢、由趙鳳藻蒞場監選、投票管理員爲李奕宏廖頌軒、開票兼唱票員爲廖樹崇宋阿波、記票員爲廖崇礎宋公潔、秩序整肅、毫不紊亂、選舉結果、票數最多者爲廖崇勢、三百五十二條、次多者爲曾傳忻、三百四十六條、其次爲李奕宏、三百四十三條、其次爲廖樹崇二百三十九條、其次爲廖繼武、三百零九條、其次爲林以明、二百九十五條、又其次爲李業鈞、二百七十四條、又其次爲胡世鍊、二百七十一條、但聞查公民底冊有林時衛其名、無林以明其名、雖以明即是時衛、而於選舉手續不合、故當時將選林以明之票數、盡行否認、烈慨得選票一條、將爲候補鄉長、見此情形、可知鄉長選舉之一斑矣、

### △偷公物被拘

東坑里廖堂、日前偷去鄉公所挂壁時鐘一個、至本月廿一日、始行被本鄉



後備隊查悉、該分隊長廖崇礎、即派隊將廖拿獲、勒令將原鐘交出、拘留數天、以示懲戒、至結果有無罰款、尙未查悉、

### △私押里中公鎗擬依里規處罰

昇堂里前者購置單九响毛瑟等長鎗、現因時局較平、無人使用、早已束諸貯藏室中、惟便於使用之駁壳短鎗、仍由各人攜帶自衛、本月某日、該里人廖社順、往某處捕魚、向該同里人廖社還借去駁壳公鎗一桿、私行押去、越數日、社還以社順仍未將鎗交回、遂向之催討、詎社順無言可答、社還恐被連累、乃對衆宣告、里人即標帖繳驗、斯時社順、無鎗繳出、更足証明其將公鎗私押、均擬應依里規懲罰、詎有口口者、爲之抗議廻護云、將來如何、容查續報、

### △嫉邪憤世放棄選權

本鄉此次選舉鄉長、運動非常緊要、手段稍不靈敏、被選即告絕望、茲聞昇堂里某部、及東和里全部票數、計有一百四十條、本擬選舉某某爲鄉長

、旋以全鄉選票、已爲三數人各自收集、百四十票、無法入選、乃思助選別人、惟念甲乙丙丁、無一當意者、卒未嘗將選票赴鄉公所投遞云

### △第二段各鄉代表會議紀

第二段各鄉公民代表、於本月廿三日、假僑安會、因第九區第二屆選舉事宜、召集第二段各鄉公民代表會議、出席者廖樹崇、蔣會昶、余玉衡、陳綺雲、曾官胖、李奕宏、胡世燾、蔣緒緜、蔣甫平、廖烈概等二十餘人、臨時主席蔣會昶、紀錄李奕宏、行禮如儀、甲報告、關於本區第二屆選舉縣參議區長、查由吳趙等姓包辦、但我第二段票數聯合一致、仍屬不敷、難以入選、若任令從此做去、我二段完全喪失被選權、所以召集會議謀應付方法、乙討論、(一)蔣會昶提議、對於本區第二屆選舉縣參議區長、查經被第一段吳趙等姓包辦、我第二段無法參加、則我段被選權、將成永遠喪失、可否通傳各鄉轉飭各公民代表屆時一律消極、均不出席選舉、以謀對付案、(議決)由各鄉出席代表返鄉、由該鄉公所召集各公民代表、屆時一律不可出席選舉、(二)廖樹崇提議、查九區第二屆選舉、我第二段受

種種不利、且於地方自治、更有莫大關係、應即聯合一致、具述理由、呈請官廳劃區分治、以求實際案、(議決)通通、(三)李奕宏提議、查九區區歷來征收自治警衛各費、所有數目、向未公開核算、應即發起呈請官廳飭令區公所定期召集核算、以重公款案、(議決)通過、聞散會後、旋將會議紀錄、分函第二段各鄉公所查照辦理、茲將該函原文錄左、逕啟者、敝會茲以此次選舉、爲吳趙等姓所操縱、殊屬不合、爰召集各鄉各派代表會議、其會議情形、相應錄案函達貴公所查照辦理、實叙公誼、此致沙堆梅閣梅灣沙角大沙灣鄉公所、第九區第二段各鄉公民代表大會、廿二年五月二十三日、

### △鄉公所第三十三次會議紀

本月三日鄉公所開第三十三次會議出席者烈概樹崇時耀澤蒼奕宏列席者各里代表主席烈概紀錄崇礎行禮如儀甲、報告事項(畧)乙、討論事項(一)區路會催收招募股急如星火應如何籌繳百分之二十案(議決)將本鄉涌口來往

之駁艇防費預投取款二千五百元以應繳百分之二十未繳之數佈告招投鴨埭

### △鄉公所第二十四次會議紀

本月十日鄉公所開第三十四次會議出席者烈概樹崇澤蒼時耀世燾奕宏列席者各里代表主席烈概紀錄崇礎行禮如儀甲報告事項(畧)乙討論事項(一)須即日招投駁艇防費案(結果)當所有廖仍烈以合德公司名義出年期陸年零五個月十五天爲年期之最少者中票

### △鄉公所第三十五次會議紀

本月十五鄉公所開第三十五次會議出席者奕宏樹崇烈概主席烈概紀錄崇礎行禮如儀甲報告事項(畧)乙討論事項(一)關於第一期公路招募股應繳百分之二十現已籌款有著應否照交區路催收員案(議決)照交

### △冒替選舉鄉民向縣府控告

本鄉第二屆鄉長選舉、業經選妥、但鄉民以其壟斷選票、冒替選舉、有違選舉法規、特於本月廿五日聯名具呈縣府、請定期派員到鄉監視再選、以

免作弊、而保民權云、將來如何、容查續報、茲探悉其呈原文錄下、呈爲壟斷選票、冒替選舉、剝奪民權、聯名叩請飭令澈驗選票、分別澈查撤銷、派員監視再選、以免作弊、而保民權事、竊沙堆鄉於本月廿日當鄉公所選舉第二屆鄉長、當時雖有監選員趙鳳藻、投票管理員李奕宏、開票員廖樹崇、記票員廖崇礎、但於投票之際、祇見各里里長手持選票成扎投入匾中、並無公民到場投票、迨開票結果、票數在多數者廖崇勢、三百五十二條、其次爲曾傳忻、三百四十六條、其次爲李奕宏、三百四十三條、其次爲廖樹崇二百三十九條、其次爲廖繼武、三百零九條、其次爲林以明、二百九十五條、其次爲李業鈞、二百七十四條、其次爲胡世鍊、式百七十一條、其次爲廖烈概、一條林以明因公民名冊無此名、盡作否票、故胡世鍊得入選爲鄉長、而廖烈概被選票一條亦得爲候補、似此情形、其壟斷冒替、從中舞弊、可想而知、若非分別澈查撤銷、長此以往、民選前途、何堪設想、謹將實情呈報鈞府察核、懇請飭令第九區、第式屆選舉籌備委員會、將沙堆選票繳驗筆跡、分別澈查撤銷、並請定期派員到鄉監視再選、以免作弊

、而保民權、實爲公使、謹呈新會縣政府縣長黃、具呈人曾澤蒼、林時耀、胡世燾、廖修煥、李祐堯、胡世元、胡世崇、廖廷章、

### △吸私烟被拘

本月廿五晚、禁烟分所函請古井公安分局派警協同該所稽查員前赴居安里搜查私烟、當時在某閒屋內、搜獲廖宇、林啓又、李社壬三人、及私烟一小盅、寄押分局候辦云、

### △△本鄉有猪仔到古井墟發賣

本鄉墟上所賣之猪仔、向由古井方面挑運過來、詎本鄉近因出產過多、不能銷售、有某甲者從中收買、共買得四十餘頭、於本月廿六日挑往古井墟發賣、聞每頭價值二元或三元不等、計共沽得毫銀九十元左右云、若某甲者、亦千載一時之機會也、



(旅古僑聞一束)

□ 公安支會全體會議紀

本報訪函。沙堆駐古公安支會。二月十五晚召集全體會議。聞其議決關於  
發展會務提案多件。並組織徵求會員四隊。分爲甲。乙。丙。丁。按季輪  
流在灣徵求鄉僑加入。以資鞏固會基。當場公推曾士英。鄧連枝。廖仲卓  
。林舉椿。蕭亮如。廖勳有。胡昭滿。沐英明。廖廷暢。胡正樂。李華運  
。曾其林等負責。同時又推李華運。吳雲佐。二君爲遊埠僑以經貿及徵求  
會長專員。料不日出報云。

## 口荷花戶埠屬陳安君因拒匪中彈喪命

△夥匪未入舖財物無損失

荷花戶(飛)訪函。華商陳安君。廣東新會沙堆人。向經商於本埠附近之生河西埠。爲人忠厚。和藹可親。埠上中西人士。樂與交遊。不料於本月十三日凌晨。一點餘鐘。有西匪多名。前往圖劫陳君商店。當賊匪多名在門外擡門時。陳君驚醒。即持槍向門外轟射。自與賊匪互相鎗擊後。結果。陳君不幸被擊傷。俄而因傷殞命。諸匪未有入舖劫財物。乃即遠遁。事後本埠僑胞聆耗。即由僑胞多名。協全陸軍營長。督率軍士數名。前往肇事地點查勘經過情形。即由陸軍營長令各軍隊。偵緝兇匪。并電請端寧埠地方法官。前來驗屍。及登錄口供。同時即由本埠國民黨分部。致電總領事館。及公安支會報告。至下午四點餘鐘。法官到來驗屍。驗畢。即由國民黨同志。將陳君遺屍。車返本埠國民黨分部開喪。是晚埠上中西人士到黨部守喪者。達數百餘人。足見陳君平生感人之深矣。聞本埠僑胞。準于



十四晚召集全僑大會。討論追兇伸冤事宜。事後如何。容日續報。

## 荷埠屬華商被劫匪轟斃

東省荷華戶埠訊。本埠屬之生荷四巴拉打區域。地頗偏僻。有華商陳氏兄弟兩人。在此經營小雜貨舖。現處金融恐慌之秋。生意尙稱平穩。故爲賊盜垂涎。忽於十三日晨二時左右。有賊匪成羣。以鐵鑽撬開橫窗。躍入傾箱倒篋。陳氏兄弟乃從夢中驚醒。皆持自衛手鎗出視。一見賊匪。發鎗射擊。互相鏖戰。卜卜之聲。不下數十餘响。未幾。華商生爹咕陳(即陳安)倒地。其兄弟鴉都路陳。(譯音)觀狀怒甚。奮不顧身。仍上前追逐。密爲發鎗射擊。匪已逃去而罷。舖內完全未有損失。惟同視生爹咕陳。因被匪轟傷要害。旋即斃命。聞遺屍移置某社團樓宇開喪。賊匪逃後。駐防軍官羅原忌聞耗馳至。查視舖側橫窗內外。皆有血迹。距離舖十餘丈遠之草地。亦有血漬斑斑。料必賊匪受傷之血漬也。聞警探方面。以此血案發生。轟殺華商。殊屬猖獗。然匪賊已有蛛絲馬跡可尋。最易偵緝受傷之人。或有

迅速破案之可能云。

## 公安支會已派員往查陳案

本灣（惜）訪函。沙堆公安支會陳安石。向經商於東省荷在戶所屬生荷西地面。經已有年。事因去年該埠有一僑胞張某。患神經病。後由陳君帶張某出灣。交與龍岡公所調治。故此暫居灣城。後又與友人鄭威聲。曾觀棟。等君。經營置業。適屆公安支會選舉之期。是以獲選為該會常務委員之職。後因離埠日久。故此於月之一日晚九點鐘。買車復回該埠。視察店務。然後返灣。不幸噩耗傳來。謂陳君於十叁日凌晨一點叁十分鐘。慘被西匪謀劫陷命。該會聞訊之下。立即召集緊急會議。並即去電該埠親屬。保留遺體。待專員抵步時。然後出殯。隨即當場推舉李君華進為該會調查員。協同死者之親屬陳佐君。一同前往。昨日（十四）出發。而該會將牌扁及街燈。纏以黑紗。以誌哀悼。如該會之辦事。可謂無微不至矣。

## 陳安同志出殯之情形

荷花戶（毅）訪函。陳安同志被西匪槍傷殞命。各情已誌前報。查陳君於本月十四早九點鐘出殯。埠上中西人士前往執紼者達式三百人。將出殯之際。適接總支部來電着就近購買大花圈一座。並派定蔣偉生鄭重兩君為總支部代表。蔣鄭兩君奉電以後。即依命進行。抵西人義山後。由吳卓卓君用西語答謝西賓。鄭莊嚴君用華語答謝華僑。查是日共有花圈十四五座。為本埠殯儀中向所罕見。若陳君者。亦可謂生榮死哀矣。

## 本會常務委員陳安先生千古

生負匡時。死難得所。憤懷國難。空論濺血沙場。而乃誨盜慢藏。凶罹浩劫。忍聽飲殘彈雨。淒留店月橋霜。慘目傷心。子夜鷄鳴無限恨。痛稱善士。黨尤忠貞。交許天才。早經傾心梓里。所以全羣重託。冀展宏謨。奈何變起烽烟。報道山頽水壞。驚魂動魄。仲春鳥泣有餘哀。

公安支會曾士英率全體會員敬輓

伯仲之間。喪我良朋。義務而今消臂助。死生亦大。爲厲殺賊。正兇何處把魂勾。

陽居鄉弟曾士英 林舉椿 仝敬輓  
君爲本會個中人。倚任方殷。奈何遭劫身七。陷爾高才。賊真抵殺。我亦同羣一份子。憤悲曷極。爲此復仇心急。究其匪跡。兇決難容。

執監委員會同人敬輓

除非撲滅兇獠。始令同僑仇恨滅。說甚化行蠻貊。從來異族歹心多。

文書科李華進等敬輓

平昔兄知我貧。分金誠如鮑叔。祇今我聞兄死。碎琴痛過伯牙。

弟曾觀棟敬輓

## 陳安同志先生千古

暴賊逞兇殘。午夜失驚遭毒手。

英年悲歿折。今朝聞報倍傷心。

槐香務埠黨末胡鏡波敬輓

## 輓陳安君千古

倭寇犯邊。方冀君滿載東旋。戮力疆場誓雪恥。  
蠻徒肆虐。詎使我欲歎悵望。感懷故友淚沾襟。

鄉弟廖廷暢敬輓

僑羣爲社會熱心服務可惜天命靡常遭物化。  
滄代表膺委員阻勉從公執意國難未紓遽仙遊。

中國國民黨駐荷花戶埠分部敬輓

國難正殷 同志遽殞

賊仇未報 涕淚何從

荷花戶分部執監委員敬輓

西南海陸雖安定。愧我無才恢淨土。

東北山河已破碎。悼君有路駕仙遊。

荷花戶埠華僑抗日後援分會拜輓

## 祭文

維

中華民國三十三年三月拾一日。本分部訓練股主任陳安同志。在伊譚中。慘被西匪鎗擊殞命。中國國民黨駐荷花戶分部全體同志。謹具鮮花致祭於陳同志。靈曰。

嗚呼。陳安同志竟中彈而死耶。竟被西匪鎗擊而死耶。事已至此。夫復何言。嗚呼。同志遇害。全體同悲。排除外侮。正賴賢才。咄爾西匪。鎗擊我君。遭難亡身。嗚呼。痛哉。屋爲之震。山爲之崩。來格來饗。伏維尙嚮。

## 沙堆公安支會催收經費成績

本灣訪函。駐古沙堆公安支會遊埠催收經費專員李華進、吳雲佐、式君、

於昨晨遊抵山爹咕威加埠。往陳佐、陳光榮、兩君商店拜候。陳君早已得悉該專員之任務。相見之下。特別歡迎。隨即盡將其本人之經費繳交外。並其同伴光榮君亦盡力繳交。如二陳君可謂熱心會員矣。同日乘專車遊抵擘打華那埠。到劉孔源與劉章祥君商店拜候。休息片時。旋即進行其任務完畢。即欲返灣。但劉祥君堅留晚膳。旨酒嘉肴。紛陳席上。自用膳後回灣云。

## (祝詞)

維

中華民國二十二年三月十五日爲沙堆僑安支會舉行式週年紀念之良辰本總會同人等辱蒙東召乃以雲山遠隔未克參觀嘉禮何歎如之竊思貴會以慈善事爲宗旨以同謀公益爲職志以親愛互助爲實效造福鄉中全賴于此謹進蕪詞而祝之曰

贊貴會之紀念兮

聿觀禮典以堂皇

振會務之擴張兮  
慶一堂之賡濟兮  
得天時之地利兮  
藉聯絡之感情兮  
祝前途之發達兮

固結團體以圖強  
利民福國以光昌  
和衷共濟以安康  
萃菁羣英以舉綱  
萬福攸同以無疆

駐雲高華埠沙堆僑安總會同人敬祝

維

中華民國二十二年三月十五日為沙堆僑安支會舉行二週年紀念慶典本社同人等謹綴蕪詞而祝之曰

僑安支會之紀念兮  
和睦鄰鄰之團結兮  
關懷桑梓之模範兮  
和衷共濟之維持兮

聯絡感情  
秉公致誠  
如弟如兄  
萬載光榮

駐雲埠居安社同人等鞠躬



維

中華民國二十二年三月十五日為沙堆僑安支會舉行二週年紀念慶典全人等

忻喜萬分爰具蕪詞以祝之曰

旗纓日

氣宇莊皇

二週紀念

吾等之光

聯我僑梓

互助家鄉

名揚中外

百世流芳

欣逢盛會

置酒稱觴

人才薈萃

濟濟一堂

共謀樂利

振奮圖強

全人敬祝

發達無疆

駐雲高埠李廣樂堂同人敬祝

維

中華民國貳拾貳年叁月十五日為沙堆僑安支會舉行二週年紀念之辰本鄉僑

全人等承蒙東請躬逢其盛幸何如之謹進蕪詞而祝之曰

貴會紀念

適值良辰

嘉賓蒞止

慶祝同申

固結團體

福國利民

擴張會務

展我同人

同謀公益

鄉務維新

馨香鼎祝

發達同春

駐雲高華埠胡卓安房同人敬祝

維

中華民國貳拾貳年叁月拾伍日爲沙堆僑安支會舉行二週年紀念之良辰本鄉僑同人等辱蒙東召參觀嘉禮欣慰奚似謹致祝詞曰

貴會紀念

典禮堂皇

鄉僑孝蒼

濟濟一堂

團結鄉僑

宗旨光昌

合群策力

互助家鄉

公益事業

盡力提倡

欽哉鼎祝

獲福無疆

駐雲高華埠宋賦梅房同人敬祝

維

中華民國二十二年三月十五日爲沙堆僑安支會舉行二週年紀念之大慶典本

鄉僑同人等承蒙東召未得躬逢盛會榮幸何如謹致祝詞以祝之曰

支會成立

於焉數週

艱難締造

力毅志堅

前途偉績

勦澤靡窮

恭祝支會

以天長存

駐雲高華埠廖叙倫房同人敬祝

維

中華民國二十二年三月十五日為沙堆僑安支會舉行二週年紀念之期濟濟踴

躍萃薈一堂鄉僑同人等承蒙柬召祇以雲山遠隔未得躬逢盛會榮幸奚如

謹為蕪詞而祝之曰

恭維盛會

典禮攸隆

發揚會務

勃勃蓬蓬

感情聯結

共濟和衷

群英萃薈

萬福攸同

改良鄉務

全賴諸公

同人敬祝

發達無窮

駐雲高華埠曾啓蘭房同人敬祝

維

大中華民國念二年為沙堆駐古僑安支會二週紀念之期敝所同人荷蒙柬召得

與參觀盛典何幸如之爰掇蕪詞敬祝之曰

貴會成立兮二週

貴會任務兮何求

聯絡僑情兮和親

努力公益兮康庥

為國後盾兮集團

為鄉前驅兮競秀

仰經過之歷史兮佔優

視將來之前程兮千秋

同鄉弟會武城旅所同人謹祝

維

大中華民國廿二年為我沙堆駐古僑安支會舉行成立二週年紀念慶典之期敝

房同人叨蒙東召得以參加典禮曷勝榮幸茲謹蕪詞而申祝曰

貴會成立

歷二週年

奮任僑務

結集鄉賢

為鄉建設

為國中堅

斐然成績

眾口交傳

努力將來

不息如天

僑安房同人敬祝

維

中華民國廿二年五月十九日爲

貴會二週紀念之良辰敝所荷蒙東召得以參加盛典慶幸奚似謹綴蕪詞以祝之

曰

貴會紀念

二週有年

羣才薈萃

發振鄉邦

同心救國

努力圖強

會成抗日

爲國增光

恭祝貴會

如日之光

駐古巴胡思成旅所主席衍盈等全敬祝

繼

中華民國二十二年三月十九日乃沙維駐古僑安支會成立二週年紀念良辰同人

等叨蒙東邀爰綴蕪詞以祝之曰

會開紀念

擇茲良辰

桑兮梓兮

以愛以親

改良家鄉

福造人羣

並祝貴會 萬載長存

沙堆駐古鄉弟共和旅所仝人鞠躬

時維中華民國廿二年節屆春暮迺 貴會二週紀念之期叨蒙 東召殊深感激

謹陳俚句而恭祝曰

貴會之成立兮 屆期二週

將來之發展兮 預卜鴻庥

年年有今日兮 紀念永留

桑梓歌僑安兮 幸福自由

駐古巴沙堆僑安支會先生雅鑒

駐古巴灣城沙堆廖叙倫房同人揭冠

維

中華民國二十二年三月十九日為沙堆僑安支會成立二週年紀念之期竊今日


際茲國難之時正宜聯絡感情協力救國之良機弟忝屬鄉僑爰綴蕪詞以祝

之曰

公安支會  
維柔維梓  
精神團結  
合羣救國  
輸將殺賊  
凡我華胄  
最後勝利  
掬誠預祝

成立二載  
相親相愛  
一堂蒼萃  
終始罔改  
勇氣加倍  
努力勿怠  
指日可待  
貴會萬歲

僑安月報  
僑  
聞



鄉弟 廖露春 敬祝

五七

# 本區新聞

## ◎九區築路忽告停頓

因各鄉欠繳路款工人停工  
縣府派員到各鄉坐催路款

第九區公路建築委員會、自吳強華等負責進行整頓後、建築工程、甚為猛進、查該路係貫通獨洲那伏霞路古井等鄉、關係交通甚大、祇以獨洲林姓與那伏高姓因路線爭執問題、以致未能如期完成、近日以來、該路建築工程又突告停頓、查其原因、實緣各鄉欠繳路款、乏款給與承建人、故各築路工人、均自行停工、縣府有見及此、為早日完成該路、以利交通起見、昨日已派員到該路各鄉坐催、俾收有的款、繼續興工云、

## ◎解散南朗鄉私塾兩間

南朗鄉，自舉辦小學校後，所有私塾，遂告閉歇，詎該鄉本年有二數頑固



士惡，從中包庇，開設私塾兩間，一在正面里，學童三十餘人，塾師係鄉人何貽棟，教材採用三字經四書等，一在瑞雲館，學童廿餘人，爲鄉間某父老所辦，聘石苑鄉老塾李偉芳主持，塾內置大圓檯一張，學徒環坐聽講，教授古文及經書等，不分鐘點，隨時召集講書，事爲視學員吳某所聞，于去月杪，前往該鄉查學，勒令該兩塾師具結，另圖別業，不得在該鄉設塾授徒，誤人子弟，隨即將該兩間私塾解散云，

### ◎蔣光鼐祖墳被人侵毀

梅角蔣姓，在前明時，其遠祖原居會城，後因事遷徙梅角，當日該蔣姓在會城係一戶，即今之河南翰林里地方，尙有人稱道，係蔣姓舊居，現在蔣氏宗支蕃衍各地，而東莞蔣姓亦係梅角分支遷往，該梅角蔣姓有遠祖蔣覺州，蔣覺川，葬在第十區冷水坑山面，近被該處潮透鄉人周瑞連等，毀墳侵葬，被蔣姓族人祭奠發覺，呈請官廳拘究，而抗日英雄蔣光鼐總指揮，亦係該祖子孫，聞祖墳被佔，昨飭由十九路軍駐粵辦事處，致函新會黃縣

長，請爲緝究，縣府接函，已轉令第十區公所究追云，

### ◎霞路煙案緝兇追犯

新會禁煙分局，去月派隊到霞路鄉，會警搜查，被該鄉後備隊長率衆奪犯，毆傷兵員，搶去槍械，新會禁煙局，將受傷員兵，請分庭驗傷備案，送往新會紅十字會留醫，並將情分呈總司令部暨廣東禁煙總局，請飭屬追兇交犯，賠償損失，總司令部禁煙總局據情，昨經飭令縣政府，會同五邑禁煙局，辦理緝兇追犯，以重煙禁云。

### ◎不畏嚴父而畏嚴妻

獨洲墟林某愚，執袴子也，民國二十年娶趙氏女爲妻，林自娶妻後，日趨下流，沉迷煙賭，其父屢誡不改，無法管束，昨日林竊其父數十元，往賭場孤注一擲，賭敗返家復偷去其妻金銀一對，復往賭場，一敗塗地，事爲其妻偵悉，不禁大憤，預料林不久歸來，乃候之於門，未幾林果返，其妻乃持展向林面部亂擊，林大恐，其妻乃罰令跪地悔過，永矢不敢再賭，鄰

人聞訊、到場相勸、無不掩口大笑、妻始釋手、觀者均謂林某不畏嚴父而畏嚴妻云、

## ◎南朗鄉天花漸減

一設臨時種痘所勸鄉民種痘一

一限令神棍剷除各泥塑神像一

南朗鄉、天花流行、自本年二月起、以迄今日蔓延數月、染此症者、不下百餘人、因症斃命者、亦五十餘人、其中婦女佔十分之八、而以女童居多、大抵此次天花、因去冬數月、天氣寒熱失常、鄉人感受不良天氣、加以事前不知種痘預防、病發時、又未肯延醫調治、徒事疑神疑鬼、查該鄉數月來、因天花流行、而作還神逐鬼之舉、已耗去萬餘元、現該鄉辦事人、爲破除迷信杜絕天花流行起見、一面用公民團名義、去函警告神棍、限令尅日將懸掛各里開口之坭塑怪像剷除否則游刑示衆、聞有神棍梁甲、因抗不遵辦、本月某日、被公民團將之游刑示衆、同時設臨時種痘所、贈種洋

痘、現鄉人患此症者、已日漸減少云、

### ◎九區公路招商行車

第九區公路，路線甚長，總計有一百四十華里，現路基建築完竣者，約九十五華里，橋樑及方圓涵洞建築完成共有六十度，其餘路基橋樑涵洞，均在建築或計劃中，該築路會近日積極進行，由縣府派出楊社五為催收，分往各鄉催收路款，成績甚佳，日前停工者，現一律開工，茲查該會為急求利便來往起見，擬先由慈溪鄉起，經古井墟長沙南朗等鄉，至獨洲鄉止，長約三十餘華里，為第一期行車，定期六月十日在古井墟公路會內開投行車權，其行車章程，探錄如下，一、以十年為專利期，二、客貨車由六輛起至十二輛止，三、每日路租四十元為底，四、押票及借款共二萬五千元，分十年攤扣，五、初次修理路面暫歸公路會負責，承商出資扣還，平時養路費由承商支理，六、以六個月為試辦期，准免納路租，

### ◎鄉佬出游飽嘗異味

那伏鄉農民譚榮榮、現年廿二歲，因值早造田禾下秧時期，七日由鄉往江

門購買麻糬，寄住於其同鄉象溪路東亞印務局內，惟譚久居鄉間，絕少出門，對於城市情形不甚了了，七日晚，譚獨自一人，前往中山公園游玩，至十時許，忽然尿急，遂匿在中山紀念堂後便婆濠大解，是時恰有治安聯防處巡查隊巡至，見該處黑影幢幢，疑是竊匪，即上前搜索，譚見有兵巡至，更惶恐異常，躲避濠底，該濠本近日紀念堂演戲之公廁，譚某藏匿其中，以致染得全身糞溺，巡查隊以其形跡可疑，將其拘出，譚身臭不可聞，詢其何故匿在濠底，因驚惶過度，詞不達意，巡查隊旋將譚拘回聯防處訊究，押於處內，現該東亞印務局，以其實出以誤會所致，願具店章保領，以免無辜久押，知者無不捧腹大笑，是亦人海中之趣聞也。

## ◎文樓鄉鉅劫案

失主狀請緝匪起贓

縣府通飭所屬協緝

文樓鄉吳業鏡之妻吳林氏住戶，于四月十八夜被匪洗劫，失贓萬餘元，各

情畧紀前報、茲悉吳林氏被劫去銀物首飾等件、共計值銀七千餘元、失主昨將被劫經過情形、并開列失單、具呈縣政府、請求緝匪起贓、縣府據情、令行所屬軍警嚴密查緝、追贓給領、茲探錄吳林氏狀詞如下、竊氏夫吳業鏡、久出外洋營生、留氏與媳婦二人在家主持、歷安無異、詎于本月十八夜十二時、突有盜匪數名、由瓦面天窗撬開鐵枝擁入、是時氏與媳由夢中驚醒、見匪等用墨油塗面、或以布裹頭、故均未認識其真相、當時雖欲出聲呼援、但匪等用槍械恐嚇、禁勿聲張、氏等畏其加害、祇得任其恣行搜劫、將貴重品物、飽掠一空、合共價值約計七千餘元、至二點餘鐘、始由巷門呼嘯而逸、似此盜匪、橫行已極、不特氏夫心血所積盡付東流、而公衆治安、影响尤大、若不從嚴懲治、地方受害何堪、爲此除將失竊緣由呈報第九區公所鑒核外、理合備文連同失單一紙、呈報鈞府、迅賜飭警嚴緝起贓給領、勿任漏網、實爲感戴云云、茲錄吳林氏單如下、金仔十式個、大金三個、港紙三十元、金鏢一個、三頭珠花三條、金鈹仔十個、金鏢鍊一條、鑽石戒指一個、長短衣服三皮噠、金耳環式對、全金鈹式對、金

戒指七個、金鏢式個、珠簪二個、曲尺短槍一枝、全金鈹式對、金戒指十個、金髻押一枝、中金式個、花旗紙八十五元、中央紙十元、金鍊一條、珍珠包頭三條、鶯歌翠一對、金鏢一個、金壽字一個、耳環四對、毫銀四百八十元、鑲藤鈹一隻、金耳環三對、金鍊三條、左輪短槍一枝、手鏢仔一個、全金鈹仔一對、金髮鈹一個、金鈿六粒、以上約共值銀七千餘元、

## ◎九區公路召投行車權

每月路租一千二百元

第九區公路、現計築起路基有九十餘華里、但因路線延長、橋樑涵洞過多、一時未能完成通車、且建築橋樑涵洞、需款甚鉅、殊難籌措、近奉縣府通令、飭將各橋樑涵洞搭架木橋、以爲一時權宜通車之計、而利行人、九區築路會奉令後、特先將行車章程、呈請建設廳察核備案、現奉建廳核准、昨擬定招投全區公路行車章程、其辦法一面通車、一面築橋、以免稽延時日、行車章程大概、以行駛車輛六架至十二架、全區公路任由承商行駛

、以古井爲總站、分站由承商選擇地點設置、每十華里不得超過三角五仙、定每日底價四十元、即每月路租一千三百元、如過十式輛車時、每輛每月增路租一百元、以半年爲試辦之期、八年期滿、投承之後、先繳押櫃銀五千元、預備式萬元爲築橋費、分年扣除、特別修路費約一千元、由築路會支理、平日修路費、歸承商負擔、將于日開招商開投云、

### 區選舉完竣

本月廿六日、本區第式屆縣參議員及區長選舉、聞當日選出吳澤銓趙偉棠（第一段人）薛金燦（第二段人）爲區長副、趙章勳吳強華林英途（均是第一段人）爲縣參議員、但第式段各鄉以其壟斷選票、串同作弊、決向縣府控告云、





## 衛生談

### 花柳病譚 (其二)

彭純鑑述於沙堆醫務所

梅毒者。俗謂花柳病也。係一種螺旋狀細菌。由與患斯症者。直接接觸。如性交。接吻而起者。婦孺皆知。且有一種間接者。如用患者之衣服。被褥。手帕等用具。附着患者分泌物。本病菌毒多棲於此物中。故常有傳染之危險也。倘被感染之後。大則喪命滅種。小則傷害身體。費耗金錢。夫妻交染。父子相傳、纏綿難治。多貽後患。其勢雖緩。其害實深。故歐人稱之曰黑疫。其可慨想矣。而吾國人民。對於衛生。及斯症之處。置種種常識。多不明瞭。致被感染。視同癩癩微疫。投以普通外科藥療治之。潛

伏假愈。最易令人誤認以為完全治愈。殊不知病毒。深藏體內。從容繁殖。貽誤匪淺。良可慨也。茲僅就本病進襲程序。簡畧記述之。倘染本經過第一期。淋濁。下疳之期間。其毒素如增殖至兩腿。或一腿之吸核。被受侵襲。遂起發炎紅腫。疼痛。運動困難。其形如芒。穿破潰爛。故俗謂之曰芒菓瘡是也。此等症狀多居在第二期梅毒。仍可繼續蔓延全身。而現種種皮疹。形狀大小不一。其土與者。為薔薇膿胞疹。如卵圓形。此時體溫稍昇。畧覺怠倦欠安。關節疼痛等狀。患疹有潰爛流出膿液。俗謂楊梅瘡是也。毛髮。指甲。或同時受其害者。然亦有暫告消失者。惟其病毒。仍能擴占而致內臟各組。如口腔。喉頭。鼻。肺。肝。腦。骨。直腸等。被其破壞。如口腔被侵者。故曰口腔梅毒是也。更有一種不循此等程序。異常急劇者。故曰惡性梅毒是也。有初生新兒。而現梅毒症象。或未成年。而患梅毒病者。皆由先天遺傳。故曰遺傳性梅毒是也。縱上所述。可知本病不特害在自身。且能殃及全家。更可禍至後嗣。可不戒哉。然本病之預防。唯品行端方。避不正當性交。接吻之外。勿亂用患者之用具。為最有効

之預防法。其餘種種之預防術。未必臻善。有於交媾後。以消毒葯水洗滌法亦効云云。倘被襲染之後。在未全愈之時。嚴禁夫妻交接。以免傳及妻兒。自無待言矣。凡含刺激性物。如烟。酒。辛辣。咖啡等。均宜勿食。且每日須浴身。更換服。被褥用具等。須以石灰乳。或臭水等葯水。消毒之。其餘治法須早延醫。根本療治。悉掃其毒。以免貽留後患無窮也。

## 專載



# 沙堆銀業有限公司招股章程

沙堆銀業有限公司招股緣起

夫歐美各國、銀業林立、滙兌遍設、金融流通、商業賴以發展、人民均受利益、其國日臻富強、回顧我國、銀業雖遍於各省及各縣城鎮、所在皆有、然對於鄉間、尙付缺如、一儲一揭、諸多不便、我鄉人應乘時而起、以

圖團結、集厚資本、開創銀業、就地建立、利濟鄉民、不容稍緩者也、竊思我鄉居於會邑第九區之中心點、地方廓濶、人民數萬、若得一穩固之儲蓄銀業、藉資週轉、或振興商務、或提倡農業、或開工藝廠、則鄉民皆有工作、經濟日益充裕、國計民生、兩受實益、即如鄉僑遠渡重洋者、其根本基業、及永久生計、仍在故鄉、吾人有故鄉之念、不可不負相當之責任、尤不可不預爲開職業之途、謀生計發展之路、至於銀業之創立、正是挽救吾鄉經濟之要素、本總會有見及此、經開數次全體大會、決議組織「沙堆銀業有限公司」在案、亦經修訂規章、實行招股、仰我鄉人、以公益爲前提、以營業興利爲職志、對於招股進行、予以贊助、鼎力認股、完成「銀業公司」之實現、以助地方之公益、而裕本鄉之經濟、豈惟我鄉僑之光、抑亦吾鄉前途莫大之福也、

沙堆銀業有限公司招股章程

一定名 本公司定名爲沙堆銀業有限公司

二地址 本總行設在沙堆附設貯藏金器寶物箱以供鄉民之租賃附設香港

### 三 資本

#### 江門分行

本公司額定港紙通用銀式拾萬元分爲四萬股每股銀五元一次交足佔股之德分作兩種以拾萬元爲優先股由民國廿二年五月壹日至十一月一日交足股銀者爲優先股由十一月式日至民國廿三年十一月一日交股銀者爲普通股至招股期限滿時或逾式拾萬元或不足式拾萬元屆時本公司之規模亦可依此擴大或縮小之若本公司成立照交股銀之日起計回股息六厘至於本公司或不能成立概無利息

### 四 招股

本公司外洋招股辦事處附設雲埠僑安總會內地招股辦事處在沙堆僑安會

### 五 權限

僑安總會支會有協助招股監督銀業各事進行之權

### 六 營業

本公司專做儲蓄按揭實業滙兌接理書信銀兩生意

### 七 溢利

本公司股銀概依週息六厘計算憑息摺支給每年除老本息及公司費用外所餘溢利分作十五成留四成歸公積以一成歸董事局人員以一成獎勵總分行各科任事人員以一成給優先股以四成按照優

先股與普通股均派以二成歸沙堆鄉中辦公益以一成歸本鄉僑安會經費

八

收定活期各項貯蓄存款及揭出款項

甲

凡揭出之款項必有相當之價值為按至總協理有權由一元至壹佰元若由壹元至貳千元要總協理司庫司理監察四名同意方能揭出至由貳千元以外要董事局通過

乙

買賣各項房屋田產由董事局通過

丙

找換金錢

丁

定活期存款依照省港銀行規則

戊

代理放生長期款項

己

代理各種燕梳

庚

代理各項財產

辛

代理買賣房屋及經理租務一切

九 臨時

本公司外洋辦事處設臨時董事局員廿五名由董事員選正副主席

### 職員

正副司庫正副書記各一名至公司正式成立時即將該等臨時人員取消由股東大會公選各部職員接任進行營業

### 十收股銀

本公司收股銀之法先將公司所發臨時之收條蓋印與經手處發交附股銀人俟本公司正式成立憑臨時收條轉給正式股部息摺

#### 甲

本公司各收股銀處每月一結彙繳總收銀處主總收銀處滿壹百元者即從銀行付港銀將港銀由司庫員存貯如滿一年公司或不能成立即將港銀如數給回交股銀人以清手續

#### 乙

凡旅英華僑所有股銀概由僑安總會收交與臨時司庫員

#### 丙

凡旅灣埠華僑所收之股銀由灣埠僑安支會收銀處至收滿一百元即從銀行付港銀將港銀交該處司庫員存貯

#### 丁

餘如澳美各洲未有僑安支會設立所佔之股或個人或連同數人股銀一律寄交雲埠僑安總會收交臨時司庫員以歸劃壹而重股實

#### 戊

凡內地鄉人所佔之股銀概交本鄉僑安支會彙收連同書記主席司庫三人聯簽貯港廣東銀行

十一佔股權 凡屬沙堆鄉人無論旅外及內地均皆有權入股

甲 凡內地省港澳等埠屬於本鄉商人由僑安總會通函徵求其入股俾利益均沾

乙 外洋及內地股銀由民國廿三年五月一日開收如有自滙港長交來者聽其自便

十式股票

本公司股票永遠不准退股祇准由股東轉賣與本鄉人惟承買人須持該票到本公司辦事處報明及願遵本公司章程辦理者即照改註換給股票息摺為據

十三承繼

倘股東將該股票給與承繼人者本公司憑該股票息摺照支若其人逝世無承繼者又無遺囑聲明則將股本股息保留由董事局處置

十四選舉及

被選權

凡一股至十股為一選舉權由十一股至壹百股為二選舉權由一百零一股至二百股為四選舉權由貳百零一股以上為五選舉權凡佔式十股以上有被選為正副總協理司庫資格凡佔十股以上



有被選爲董事監察查賬等職凡佔二百股以上者及個人能招股五千元以上者爲歷屆當然董事局員

### 十五 担保

凡選舉總協理司庫之股東者每一選舉票要負責担保銀五元另由該總理司庫各自備保證毫銀五千元又另由該協理自備證保毫銀四千元該保證金必要有相當之財產爲按據方得勝任惟該保證單據均交董事局席主保存

### 十六 職員

本公司總分行各設正副總協理及司庫各一名董事局員廿五名均由股東選舉產出至總分行之司理由董事局選任之其餘伙件等工人由各總分行正副總協理任用之至於查賬式名監察一名由董事局內選任之該董事局之正副主席由董事局互選之

### 十七 規例

本公司總分行正副總協理及司庫員所有司事人等不得掛借及移動公司銀兩做投機事業及營私利不得私將本公司名義與圖章與人担保倘有犯上例及有騙吞公款或挾款私逃查出有據即行撤職查辦除將其人股份並其家產物業及保證金抵償外另由

地方上法庭追究倘仍然不敷抵償即追問署名選舉其人者之股東所負責五元之担保壞補至向法庭追究所有費用仍向其人取出決不徇情

附則

正副總協理執行董事局議決案依例掌管財政及銀業上之進行並監督司理員銀口出入進支事務倫其中有不勝任及有舞弊等情由董事局依照第十七條例執行

十八任期

本公司董事局主掌本公司議事機關凡本公司未經規定等事項概由董事會議決之至於本公司總協理司庫及董事局人員以兩年為一任連選連任每屆職員將近期滿之時由董事局提前三個月辦理選舉要在舊任未滿期之前產出新職員以應接任

十九年結

本公司總分行所有數目每月彙結壹次每年正月份內要將總結刊印年結徵信錄分送各股東以昭大公

二十補給

股票  
股東之股票息摺如有遺失須要先向本公司掛號並由本人登報三個月無人爭論取股實人擔保方能補給

廿壹 會議 股東會議分常會與特別會

甲 股東常會每年至少舉行壹次其地點與日期由董事會議決預先三個月通知各股東

乙 股東特別會議若因特別事由董事局或股東四十名以上聯同署名上書董事局召集之其會議地點與日期亦須先壹個月通知各股東

丙 凡股東會議其出席人數過半又得多數通過之議決案方為有效倘該股東不能親自出席亦准其派代表出席會議

二十二 凡本公司各科人員因公辦事發生意外事經調查屬實由董事局酌量辦理

附則

本公司各科人員因公務來往省港江等埠或遇劫被擄者本公司祇給回贖身毫銀三百元或遇劫被傷者由董事局酌量調理其醫藥費不得超過毫銀二百元或遇劫被致命者本公司補回體恤毫銀五百元若因個人私事來往各埠等或有發生意外概歸本人支

理與本公司無涉

二十三 註冊問題由董事局商定之

二十四 本公司章程或有未盡善之處及營業上應興應革事宜均由股東

議修正之

發起人 雲淖沙堆僑安總會

贊成人 本會全體會員

### 臨時董事局員

會 瑞 陳大進 廖崇會 廖崇日 鄧鏡垣 曾紀台

胡世植 李祐濂 廖烈輔 胡英三 李鶴儔 李奕美

廖崇熙 宋昭棠 廖烈尊 鄧重炤 廖廷佐 宋華寬

林榮波 廖雲烈 曾紀聖 廖崇莊 胡世定 林英鰲

林顯爵

臨時正主席 會 瑞 副主席 胡世定 書記 李永熊

臨時正司庫 廖烈尊 副司庫 林顯爵

△所收到一切股銀由正副主席正副司庫保管之以昭慎重

**各埠幹事**

古巴埠

僑安支會

乃磨埠

廖崇萬

錦碌埠

廖勳結

媽魯蔗埠

劉世銓

蘭頓埠

鄭重炳

卞忌利埠

劉希華

粗朗度埠

同義房

卡立必埠

陳象明

李永爵

粗朗度埠

胡昭騰

片士魯必

李祐旭

二埠

李奕燦

李柱記

林倉記

廖崇熙

滿地可埠

廖宏基

列必珠埠

李昌炯

李永耀

遠約士埠

域多利埠

林英傑

黃邦達

羅省忌利

鄧享

宋英錦

舍路埠

林時鉅

劉孔樑

鄧裔沾

鄧裔沾

鄧裔沾

**亞灣招股處**


**亞灣僑安支會**

通 處 專 業 駐 司 公 司 總 辦 處 總 辦 處

**僑安總會**

中華民國廿二年四月四號

僑安月報 專 載



目一般

紅兩個自殺者

亞順投

年來自殺之風。日盛一日。究其原因。非因情場失意。卽貧病交迫。此等舉動。不但無價值。人且以爲愚。當此日寇方深。國豕危殆。何不捨此壯健身軀。與敵人拚命去。生得英雄之名。死得烈士之譽。其價值較諸自殺爲何如。茲篇所紀式則。乃至極愚蠢之舉動。姑錄之以警世人。

同學溫德全。惠人。當讀於某中學時。其同居有女子黃靜圃。年方式九。善於女紅。頗通文翰。溫見鍾情。日彼尙待字閨中。時借故扳談。靜圃以溫才貌不惡。親之。溫於是每放學歸。或星期休假。輒私挽玉手。留連於娛樂場中。旋且獻諧白首。孰料好事難成。事爲女父偵知。陡發雷霆之怒。謂女敗壞家門。大施笞撻。溫畏罪逃往香江。寄居戚家。溫早失怙恃。其讀書費用。均其叔供給。叔知此事。曾屢函囑溫返惠就讀。溫不從其

叔只得聽之。一日溫接辭閒壹書。謂乃父將彼別嫁他人。婚期在卽。從此  
前盟難踐。除一死外無以報君等語。溫閱畢大痛。念靜閒欲以一死報我。  
我豈願偷生於世。甘爲薄情人耶。決意以死殉之。購安眠藥數角潛服。及  
其賊發覺。早已魂歸天國矣。

張若山。河源人。父早逝。家僅有一老母。已無叔伯。終鮮兄弟。子母相  
依。賴小販度活。性勤且儉。故年來頗有積蓄。近日性情陡變。常借二三  
無賴。匿跡於秦樓楚館。捨去小販生活。母責以大義不聽。資財漸散。繼  
而發生花柳病。耗費多金。直至阮囊羞澀。室如懸磬。始翻然悔悟。欲復  
舊業。苦無資本。不得已役於富翁。富翁擁資財數十萬。婢僕成羣。以張  
囊勤勞寵之。所有賬目俱交張往收。一日富翁遣張往收賬。張收得鈔票萬  
元。宿於逆旅中。張嗜竹戰。聞隣房有竹戰聲。入而視之。見戰者爲男女  
各二。未幾。一男子忽起身告退。其一男子邀張參加。張諾之。張左右皆  
女子坐位兩女時以美目顧盼。張大惑。已被陶醉。竟致炸和。初本十元一  
底。後見輸去五十餘金。乃增至五十元一底。不數小時。已輸去千元。男

子忽謂張曰。捨竹戰作葉子戲何如。張欲克復失金。從之。詎竹戰之贏輸尚有限制。葉子戲原無限量。博至天明。卒輸盡萬金。乃奔回房中。自思金盡何以見主。俄頃窺隣房。男女等已不知去向。始悉被騙。心益悲慟。憤怒之餘。忽抱厭世主義。解下褲帶懸床自縊。及旅館夥伴知覺。氣絕已久。無從施救。只得報區處理而已。

## ☀ 紀一個怪癖之女子

市西昌華故址。萬寶源流之街。有大水五小姐焉。其父於前清末葉曾任貴州觀察。迭權要缺。故積得孽錢甚豐。晚年告退返粵。營免(草頭)妻於現址夏。屋鱗比。奴僕如雲。後房寵姬八人。其最少者珠江雛妓。爲大水觀察退休後所納。姿首頗佳。寵擅專房。逾年生五小姐。觀察愛屋及鳥。故寶之如掌珠。五小姐遂養成壹種怪癖。愛潔如命。嘗關最精美之浴室一間。地上遍砌最美艷之花皆磚。中間以光滑無匹之木片。砌就一幅二尺餘高之短牆。分室爲內外兩層。內層放置隨(木傍)圓形白色極大磁盤二具。畧小磁盤二具。外室壁上懸全身紅毛大鏡二具。地上陳列西式玻璃衣櫃及衣



架兩竿。四週排列以白布蒙蓋之西式椅四張。另以架盛四個極精美之花盆。木牆之上。左方駢列洋磁大面盆五具。右方駢列洋磁盆五具。每日晨早即有一整潔之侍婢。將此大小磁盆十四具洗滌極潔淨。俟候五小姐起床盥漱。迨至九時許。五小姐睡醒。即偕此婢同入浴室。先由婢將自來水掣開放。以水遍淋雙手良久。隨取短牆上之漱盂。及架上之洋瓷盆二具。滿盛濾過之水。再啓西式衣櫃。取出白色淺湖色鵝黃色之毛巾二條。肥皂壹盂。先將毛巾放置水內。由五小姐指揮該婢將肥皂遍塗巾上。用力磨刷。再用水漂淨。再塗肥皂數十次。磨刷數十次。入水漂滌又數十次。遞換濾過之水又四次。五小姐然後着婢將各毛巾絞乾。傾去污水。再由另壹侍婢在室內取熱水壹大桶。以沙漏濾過。另在木欄上取第壹具磁盆。滿盛熱水。五小姐畧將雙手沖過。以肥皂磨擦極勻。將皂洗去。以巾拭淨。侍婢即在櫃內再取香梘一盂。牙粉二瓶。柔軟長短毛之牙擦各一具。先將四刷在第一漱盆內。洗過三次。換水亦三次。再依次投入以下四漱盆內。照前洗滌換水次數。隨將第一漱盆。換過新水。五小姐即畧漱口數次。至第二盆。則用一

號烈性牙粉。蘸於硬牙刷上。擦牙良久。至第三盆改用軟毛牙刷。蘸緩性牙粉。第四盆漱不蘸牙粉。祇用長毛刷。第五盆則用短毛刷。分別漱口已畢。侍婢再將架上磁盤四具。各盛濾過熱水。以淺湖色毛巾置第一盤內。鵝黃色毛巾置則三盤內。第一二盤。則由侍婢絞巾。塗以香皂。遞交五小姐擦面。第三架盤。則不用香皂。由五小姐自行絞巾擦面。至第四盤之水。色。清澈如未用過。然後用乾毛巾擦面多時始行出室。則已近午。室中器物。則由侍婢分別用水洗過。放回原處。時五小姐已掠好辮髮。再入浴室。從新將面洗過。及塗脂粉後。已十二時矣。此爲每日晨早之功課。至晚飯後。其煩瑣更甚。聞去年春間。五小姐已嫁於城內穎川氏。粧奩甚富。穎川雖舊家。但已中落。自娶五小姐後。每日在裙下侍奉。出入必偕。不離跬步。頗賴五小姐奩資度日。聞五小姐每夜必偕穎川。閉門同浴。非閱三四小時後。不見二人出室。其近身傭婦阿瓊。受僱數月。頗厭其煩。至十月間解職。轉受余友林某之僱。偶爲余言其事如此。資爲談柄。兩窻無事。爰泚後記之。(懺癡生投)

## ☀ 沉迷竹戰鷄鷄分飛

崩伯投

河南洗滌有某木店東某甲。年逾而立。始娶西關某富室之育女爲妻。結褵已數載。並無生育。前時在鄉間居住。近以生意關係。不能時常回家。而望子情切。遂遷其妻出省居店內。所謂前舖後居者是也。其妻自出省後。目覩羊石繁華。與蟄居鄉間大相逕庭。因是盡情放縱。終日遨遊。凡茶樓劇院遊樂場所無不踴足其間。逛遊快樂。資財不繼。則暗竊其夫貨款以供揮霍。曾有一次。由別店交來貨價二百金。婦即假蓋其夫印章收去。事後不承認。幾與雀角。其夫知其如此。屢戒之不悛。甚且反唇相稽。借端嘈吵。以致店中無日安寧。恒引聚路人觀看。因此乃延其大姑出來同居。以資監視。初時亦頗斂跡。詎未及兩月而故態復萌。終日與其大故尋釁。其大姑亦無可如何。乃歸鄉不理。婦由此更無畏忌。最近又沉迷於竹戰場中。日夕與附近三姑六婆大拍特拍。偷賭敗則歸家索款。其夫以其如此。斷其

燕濟。婦遂典質衣物以供賭資。其夫亦置諸不理。待其典當俱窮。自絕財源而後已。詎婦典質既罄。而賭性仍不改。且進而盜竊人家衣服以供賭資。經人家發覺。累其夫賠償者又不知若干次。昨夕婦又到附近梁姓家拍其圈。迨完場後借事留宿其家。至翌日梁某發覺失去首飾衣物數十金。知必婦所爲，乃向其夫追索。其夫乃在婦衣篋搜出當票一束。原物俱在。逼得代其贖回。始獲無事。而甲以婦屢不悛改。深恐他日貽累更深。於是大發雷霆。實行將其驅逐。所有婦物。悉數擲出。二人在店內嘈鬧不堪。引動行人圍觀如堵。知其事者無不歎嗜賭麻雀之累事。治家者可以鑒矣。

### ☀ 歸客避免劫擄之機警

清明佳節。遊子羈旅莫不回鄉省墓。李甲。西樵鄉人。性謹慎。自幼經商於新大陸三藩市十餘載。近來積有萬餘美金。遂於去歲年底回國。暫寓市內。並於前月完娶。且欲購屋一所與新婦居住。已則於年內再渡重洋整理商業。一俟獲相當貲財。即返國退隱。其爲計固甚工也。而不知隔垣有耳。

○即有人攙擄之勒贖矣。○當李娶婦時已耗三千金。○今又欲買值萬元之洋樓。○致令盜夥垂涎。○意其必有鉅大財產。○遂暗派黨人。○察其行動。○以便下手。○照吾粵俗例。○凡在省新婚者。○須携新婦回鄉謁祖。○遲早例在必行。○李甲以節屆清明。○族人之旋鄉掃墓者必衆。○趁此時携婦謁祖。○不虞寂寞。○且可與族中兄弟聚晤壹堂。○畀認識新婦。○以便將來有事時幫助。○消息互通。○遂於日前搭渡返鄉。○詎有客二人頗頗在視李夫婦。○迨渡船到達鄉岸。○即緊隨甲後。○直至村尾祖屋。○甲見彼等行動。○以爲探訪村中兄弟者。○不以爲異。○翌晨甲與新婦詣祠堂謁祖。○又瞥見該二人集於兄弟輩中。○而視線則注射於己。○惟無與招呼立談者。○始覺詫異。○又不敢直斥之。○迨事畢。○即將情形通告鄉長。○僉謂可疑。○除命村人戒備外。○即着甲星夜避地而居。○甲即走往村頭某屋寓宿。○翌早。○喬裝落渡返省。○不及與新婦話別也。○三日後婦由鄉回。○謂甲返省之晨。○有二人來訪。○云有要事須面見君方能說出。○家人答以不在。○彼等始悻悻而去。○據鄉人云。○此乃據人購雀法。○若得見面。○即挾持而去。○亦即單刀會魯肅之樣本。○雖爲旁人察見赴救。○多因投鼠忌器。○輒爲之

却步。差幸機警。免。聞言入駭。今已不敢與人多所接洽。每嘆祖國滿途荆棘。人之怨畧。多處于興高采烈之時。每見路人之被摸竊。輒在於領畧沿途風景。除。可為証。甲於祈婚甜蜜之日。心意滿足之時。不承趾高氣揚。隨處留意。故能觸發奸謀。若以驕傲少年處之。祇圖蜜月滋味者。則已作入笠之豚矣。

## 崇千奇百怪說煙人

千里目投

對銀燈。煉丹汞。臥橫床。吹直竹。吞雲吐霧。此道友之樂事。亦道友之慣事。本無足紀。惟其中有兩位道友。每於吸煙之際。另有一種怪狀。固又不可不紀也。有木易氏者。道行甚深。每日非七八錢不能夠纏。悔其不是單純用口吸食。其脚趾甲亦要打一份數。蓋其每煉成丹。上斗後尙要以烟膏遍拭脚甲。然後徐徐吸食。其烟十之丹吸盡。其脚甲之膏亦索盡。且母食完一口後。即要將四肢伸直。繼則翻一跟斗。據謂非如此則雖食多多不餓云。抑亦奇矣。又有一阜東氏者。其道行雖不若木易氏之深。

然亦有一種怪狀。蓋其吸烟時要企在床口曲背吸食。查其所以有此怪狀。實有原因。緣阜東任十八九歲時。因擇反不慎。狎曠愚少。已染烟霞癖。其父知之。屢次責罵。仍不肯戒。所乃勃然大怒。毅然將其禁於幽室。蓋欲以斷然手段開除其仙籍也。日中。需之物。如飯食茶水等。祇由窻口送進。至於大小二便亦在室中所備之箕塔行之。不能越雷池半步。計共幽禁兩月餘。其父以爲彼可以脫黑籍矣。乃放之出。詎知阜東仙骨嶙峋。仍是一蓬萊仙侶。因其受幽室時。有道友某甲適與此幽室隔牆而居。道友知其苦。設法救之。曾此隔牆離地約二尺之處有一小穴相通。道友穿而闢之。使能通於烟槍。於是每晚必打烟十餘口。由此穴遞烟槍口過幽室。使阜東吸食。阜東則企立曲背而吸。蓋因此牆穴高低不就。要這樣吸食。方能合度。阜東在幽室兩月餘。均是如此吸食。遂習以爲慣。或此怪狀。及放出後。其父不久病故。此後阜東無人管束。更可大吹特吹矣。惟是因在幽室時。習慣如此吸法。故終不能改其態度云。



名人史畧

蘇武史略

蘇武、字子卿。杜陵人。武帝大漢元年。遣武以中郎將。持節送匈奴使在漢者。與常惠俱。既至。單于待之甚驕倨。武等約侯（絲傍）王。與虞常等謀反匈奴中。適單于出獵。獨閼氏子弟在。虞常等七十餘人欲發。其一人夜亡。告知單于。單于等皆死。虞常得生。武恐爲匈奴所殺。辱漢聲威。引佩刀自刺。旁人抱持之。馳召醫。鑿地爲炊。置燧火。覆武其上。蹈其背以出血。武氣絕半日。復息。單于壯其節。朝夕遣人候問。說之降。不肯。囚於大窖中。不與飲食。天雨雪。武臥。嚙雪與旃毛并咽之。數日不死。



復徙於北海無人處。使牧羝。羝乳。乃得歸。武在海上掘野鼠草實食之。杖漢節牧羊。臥起操持。節旄盡落。積六年。單于之弟憐之。始給衣食。會有人盜武羊。因獲罪。復窮餓如故。初武與李陵俱。爲侍中。武使匈奴之明年。陵降。不敢與武相見。久之。單于使陵至海上。爲武置酒設樂。因說武曰。一單于聞陵與子卿素厚。故使陵來說足下。來時。太夫人已不幸。陵送葬至陽陵。子卿婦年少。聞已更嫁矣。獨有女弟二人。兩女一男。今復十餘年。存亡不可知。人生如朝露。何久自若如此。陵始降時。忽忽如狂。自痛負漢。加以老母囚保宮。子卿不降。何以過陵。且陛下春秋高。法令無常。大臣無罪夷滅者數十家。安危不可知。子卿尙復雖爲乎。蘇武曰。一自分已死久矣。單于必欲降武。請畢今日之懽。效死於前。一陵見其至誠。喟然歎曰。一嗟乎。義士。陵與衛律之罪。上通於天。一因泣沾襟。一與武別去。武聞武帝崩。南向號哭。至于嘔血。後匈奴與漢和親。漢求

武等。匈奴詭言武死。使者云。天下射上林中。得鴈足有繫帛書。言武等在某澤中未死也。於是武得生還。李陵聞之。置酒河梁爲別。賦詩泣下。有「携手上河梁」之句。武還國後。於九月九日。得李陵書。武前後留匈奴。凡十九年。始以強壯往。及還。鬚髮盡白。

超然曰。古人有言。士窮見節義。若蘇武者。誠節義之士也哉。彼匈奴之刑辱也不肯降。在沐天雪地之中爲匈奴牧羊也。不肯降。李陵以環境惡劣說之也不肯降。此情此景。實可驚天地而泣鬼神。然今之朝秦暮楚。惟求利祿。毫無節氣。致身敗名裂。爲天下人唾罵非笑者。又將何若。如有悔心之萌。必自愧死。



詩  
林

四十初度書懷

胡英三寄自雲埠

甲午至今四十年。從來倭寇禍連天。興亡有責應肩負。抗日堅持保國權。

其二

不惑韶華虛度過。元龍豪氣未消磨。毋忘國恥須嘗胆。且聽中華奏凱歌。

應和英三君四十初度書懷

晴暉

渾忘名利却忘年。高潔逍遙物外天。早識繁華空入夢。蒼生何事爭強權。

其二

前人

流水韶華客裡過。雄心豈肯遽消磨。風雲自會來天地。高踏崑崙唱國歌。

應和英三君四十初度書懷

暹公

報國還須在壯年。問誰有力可回天。如君博學應投筆。直搗東瀛振國權。

其二

前人

愛國至言一讀過。奮將十萬劍橫磨。仇心不減君心切。大唱沙場易水歌。

應和英三君四十初度書懷

得

會無丹汞可延年。富貴欲求却在天。惟是民生求解決。快將熱血洗強權。

其二

前人

窮通修短盡空過。祇賸請纓志未磨。倭寇強橫頻侵略。漏舟誰得尙酣歌。

泰西格言

音樂之道感化情慾最有力政府不可不獎勵之由來歌曲之移人心比道德書之  
理影響尤大

度量衡所以息爭  
無財非貧無業爲貧

最上之金屬鐵也最上之植物稻麥也

時時得小利優于偶然之大利

貨幣飢不可食寒不可衣苟非有所易則雖懷重金不免餓殍

商業之要訣在于賤賣若多得廉價之物薄取其利以廣售之則買者不求自至

羣鹿指揮一獅不如一獅指揮羣鹿  
兵役居人口百分之一其國必亡

當交戰之時不可忘和平之目的  
戰時當爲平時之事平時當爲戰時之事

兵家勝敗在最後之十五分鐘

用兵之大本在秘密其糧援之路

軍人以忍耐守法爲本胆力尙在其次

不教子之藝猶養盜賊也

以教育遺下最上之產業

小兒之命運爲母所造

兒童以父母之言行爲鏡

家庭教育非母不能爲

約束兒童如使懷恐怖之心則兒童將避你之眼


# 徵信錄

僑 雲 繳捐各費芳名列(恕不稱呼)

## 月報費

廖烈肖廿二年份一元五毫  
 廖雲烈廿二年份一元式毫半  
 林官記廿二年份式元伍毫  
 廖崇熙廿二年份叁元  
 廖崇國二十二年份式元  
 廖勳達二十二年份式元  
 廖烈灼廿二年份壹元伍毫  
 李永焯廿二年份壹元伍毫  
 胡世益整浦肆元  
 廖崇回入會証二元

林顯爵廿二年份一元式毫半  
 李世照二十廿一年份式元伍毫  
 胡立舜廿二年份壹元式毫半  
 廖崇任廿二年份式元  
 廖崇球二十二年份式元  
 廖烈禮二十二年壹元伍毫  
 廖崇快廿二年份壹元伍毫  
 廖崇回二十二年份壹元伍毫  
 林顯爵同華票式元



(告)

(白)

## 斥香港利華洋庄造謠中傷同業

現當二十世紀、乃商戰競爭之時、優者勝、而劣者敗、此乃天演公例、不能逃免、如能以誠實待人、其生意必然蒸蒸日上、否則若專以欺詐為能事、藉商場為騙局之護身符、若欲其生意而不倒閉者、幾希矣、今有香港利華洋庄者、假商場之美名、專向外洋搵亞丁、偽造傳單、顛倒是非、是其之本領、而去年冒認允達源之字號、散發傳單、云及(允達源因曾厚暢虧空一萬一千餘元、胡德瑞用長六七千元、是以召集全體股東會議、將全盤生意準于是年底結束、如各顧客以前有款項存下本號者、請于是年底到來理妥、若一經結束之後、概以股東人無涉、等語……)又另利華洋有信一封、畧謂(本號自開張以來、深蒙各界僑胞信許……現允達源準于是年底將全



盤生意結束、俟後如有銀信、請由本號付來、定然快捷妥當、此信及傳單、由利華洋蓋章寄來公安文會、現在保存中、如利華洋認爲不實、當即將他原信製就電版、一等等荒謬之言、余等閱後、經已疑信參半、竊思允逢源、乃我曾胡林鄧四姓集合股份而成、資本雄厚、生意素來暢旺、開業已有十餘年、事前並不知聞、何有結束如此之快乎、後隔廿天之間、接到允逢源之關諸傳單、云及係出自無稽之徒、冒認允逢源之字號、攪奪生意、欲圖中傷等情、由此看來、足以證明你利華洋所造之傳單、全是利己損人之舉、何物利華洋、胆敢推殘同業、破壞他人、欲推倒之而後甘心乎、今實告你利華洋、你之卑劣手段作爲僞心腸、今已揭破毫不值我海外僑胞之信仰矣、使你若還不知斂跡、仍以欺騙爲能事、吾人惟有以合法之言論以制裁你、你其慎之、此斥

民國廿二年三月十八日

旅古巴國全體股東 會觀棟

胡耀培	曾傳全
林英明	胡茂忠
胡德彬	胡世樂等謹斥
曾澤爵	曾廷瑞
曾德滋	曾保華

## 李祐海偕侄積德啓事

(登載三期)

先兄祐宇。曾娶再醮婦黃氏爲妻。無子祇由黃氏帶來女兒一口。業已長大嫁人。詎黃氏邇來將先兄遺下財物。盡行顧給伊女。若非加以制止。先兄一生血汗所積。盡被黃氏化清。用特登報聲明。凡黃氏將先兄名下之田地屋宇生意股份。作典押按揭等。概作無效。希各兄弟梓里週知。勿致自誤爲幸。此啓。

中華民國廿二年五月五日

## 旅古共和旅所喬遷通告

爲通告事遵照本所喬遷議決案準于三月九號實行遷于本灣省下街十號門牌凡有城山名埠及各國鄉僑戚友若有文件來往請照下列門牌付來無悞此佈

CON WOO LUIZ SOL

Calle Finlay Num. 10 30 piso

HABANA, CUBA

中華民國廿二年三月六日

共和旅所啓

## 聲明告白

(登載兩期)

啓者今有不肖子弟宋秋有字華協賭蕩化消不務正業實無謀生能力茲爲杜絕私數起見自後華協如有揭欠親友銀兩私數發現本房房長及華協妻子李氏決不公認不能發生效力誠恐未及週知故特登本鄉月刊敬告親朋切勿相信以免自悞特字聲明此佈

中華民國廿二年四月初一日

房長華煜  
華協妻李氏全啓

## 沙堆僑安支會年刊報社成立啓事

公啓者本社根據公安支會是屆第一次大會議決組織同時宣告成立敝同人等才漸獲線技乏雕蟲對於新聞常識素未研究一旦卒爾操觚深恐貽笑大雅所望各界人士示周行以文其陋尤望四方鄉僑與助力而玉其成此則同人所引領以特者也茲將本社章程及職員表錄后幸維垂鑒之

▲章程

- 一 定 名 本刊定名為駐古沙堆公安支會年刊
- 二 社 址 附設于沙堆公安支會
- 三 宗 旨 本刊聯絡僑情整頓會務改良鄉政勉赴國難為宗旨凡偏倚黨派攻訐他人之言論概不登載
- 四 性 質 本社完全屬于義務性質不設營業部
- 五 經 濟 本社經費向我各方鄉僑捐集之外界人士有惠然樂助者極表歡迎
- 六 刊 期 本刊以一年為期每年於十一月初旬付印
- 七 職 員 本社職員均當義務不支薪金
- 八 歡 迎 投 稿
  - (甲) 凡海內外人士對於僑務及國計的有關係之文字
  - (乙) 凡區內外新會第九區人士對於敝鄉及敝會的有關係之字
  - (丙) 凡鄉內外人士對於以上兩項的言論及各種藝術的貢獻
  - (丁) 來稿每篇長不得過三千字

### 九捐款獎例

- (戊)本刊編輯對於來稿有刪改之權探錄與否原稿恕不奉還
- (己)來稿如經取錄後敬酬本刊一冊以答盛意但卷尾當註明作者姓名住址以便通訊
- (一)凡捐款不滿一元者本刊證信錄登名表揚之
- (二)捐一元至三元者向證信用頭號字登名表揚
- (三)捐三元至五元者除登名表揚外另將原四寸相片用電版印於卷首
- (四)捐五元至十元者除登名表揚外另將原人六寸相片印於卷頭
- (五)捐十元至廿五元者除以上獎勵外另鑄銀質徽章一枚奉贈以留紀念
- (六)捐廿五元至五十元者除以上獎勵外另由本社將原人二十四寸相繪就懸於會堂以留紀念
- (七)如有捐五十元以上者當由本社呈報本會大會特別嘉獎之

十 本章程有未盡善之處得隨時集修改之

◎職員表

社長 廖仲卓 曾其林

總編輯 曾士英

編輯 李華進

校對 陳安 曾觀棟 宋炯棠 胡耀培

撰述 胡世樂 廖廷暢 蕭亮如 曾廣祥 鄧連枝 廖崇銳

林舉椿 廖崇雅 曾保華 胡衍盈 曾紀康

番譯 胡德彬 應海山

收稿專員 吳雲佐

財政 林英明

勸捐專員 胡昭湛 廖勤有 吳雲佐 林華效 廖崇灶 曾澤爵

陳安

通訊處生耳過錄一百零六號樓上卷草省下街

元月十八號

古巴灣城沙堆公安支會年刊報社啓

# 大昌銀號新張廣告

廣東省江門市倉後路六十四號

TAI CHUNG BANK  
64 TONG HOU ROAD  
KONGMOON CITY  
CANTON CHINA

本號專做附揭滙兌找換金錢赤紙各國銀紙等生意  
兼理駁外洋各埠銀信交收快捷妥當照時價紙水補  
足每白只扣帶工雙毫銀二元若有遺失照數賠足以  
親交來港紙及赤紙等分文不扣本號自置上蓋連地  
洋樓一座高三層在于江門市倉後路六十四號如各  
客來往加意招待尙希留意關照請照門牌寄來無任  
歡迎

一年期週息六厘

半年期週息五厘

本號司庫李奕榮大昌銀號謹啓

路興復 市門江

## 紀華宋祥禎裕

Yue Ching Cheung

27 Fookhing St.

Kongmoon China

啓者沙堆僑安月刊自開辦以來已歷數載其中工作事業首重鼓吹文明進化發揚自治精神爲鄉中人民之喉舌爲海外僑胞之耳目成績昭彰誠不容多贅也歷蒙海外僑胞及鄉中諸公竭力維持進行不已其堅毅足令人仰羨弟自受委爲江門總代理無不踴躍從事藉隨驥尾誠以事屬公益敢不竭我兩力以盡鄉民一份子茲特爲推銷起見凡各僑胞梓里如有欲閱本刊者請即專函照上任址寄下俾得卽行奉上以期消息靈通兼代理外洋書信兩交收妥當務求快捷且經理有年深得僑胞信許故特益自勉力以副僑胞栽培盛意如蒙惠顧無任歡迎

沙堆僑安月刊  
江門市總代理 宋華紀啟事



香 港 德 輔 道 中

新 榮 安 金 山 庄

SUN WING ON

292 Des Voeux Road

Hongkong

附貯另行面議辦理

如有仄紙銀紙滙兌

本號專理外洋書信匯兌銀兩  
 兼理鄉僑來往船位開張多年  
 歷蒙梓友賜顧銘感無既茲  
 因股伴廖學鍊將有遠圖其在  
 鄉司理由廖崇文接充合併聲  
 明其紙水照時價補足快捷妥  
 當倘有意外遺失弟等應負全  
 責伏祈照常關顧無任歡  
 門牌照上列付來便妥

沙堆司理人廖崇文

香港司理人廖學鍊 偉助 崇文 懷師 同啟

# 安昌瑞記金山庄

On Chong Suey Kee

29 Sunhing St

Kongmoon China

廣東江門埠新慶街

本號專代理接駁外洋銀信每百

元扣帶工式元如有損失照數賠

價快捷妥當本號樓上並設旅店

廚房雅潔地方通爽招待妥當價

格相宜 諸君惠顧無任歡迎

門牌二十九號

司事人李永樑謹啟

◀ 號 隆 生 ▶

舖在廣東新會

SANG LUNG

Saduey, Sunwui

CANTON CHINA

沙堆墟聯義街

本號開設數十年專辦油糖海味酒米什貨燒臘餅食各欸俱全兼接理外洋來往書信銀兩快捷妥當決無延悞凡匯來銀兩者照此門牌直寄每百元祇扣帶工式元時價補水照數交足倘有損失如數賠償如蒙惠顧極表歡迎

金錢銀紙仄紙時價便換

林時爵

會傳賀  
胡世添

啟

# 共 信 公 司

沙  
維

KOON SUN  
Saduey, Sunwui  
Canton, China

廣  
東  
新  
會

本公司專接理外洋書信銀兩經有多年紙水

照時價補足每百祇扣帶工銀二元且送信交

銀更為敏捷久蒙我僑胞嘉許倘有遺失如數

賠償如蒙 惠顧請照上列門牌交郵寄來

無任歡迎

共信公司

胡儀照

曾家炳

曾澤常

曾傳譽

曾統南

# 興業公司

蓮塘街

HING HIP & CO.  
38 LINTONG ST.,  
KONGMOON, CANTON,  
CHINA

廣東江門

本公司資本雄厚自置偉大洋樓街道適中以便  
商界租賃久為稱善今更擴充營業接理英美各  
埠旅外親友兄弟來往滙單補水時價妥當快捷  
倘有意外十足賠償如蒙 惠顧格外歡迎

梅閣鄉每百扣工三元

沙堆鄉每百扣工貳元

蔣本可

林英奇

全啟

# 廣安昌金山庄

◀號二十二牌門街樂永港香▶

KWONG ON CHONG

22 Wing Lok St.

HONG KONG

本號接理外洋書信銀兩開設十有餘年資本雄厚信用穩固歷蒙外埠梓里惠顧銘感殊深茲為刷新改良起見對於銀信紙水特從最高補閱務求異常快捷妥當保無意外損失之虞鄉僑在來加意招待妥當尚希留意關照無任歡迎梅閣代理仁生堂蔣道椿沙堆梅灣沙角等代理廣德昌  
廖烈鑑

廣安昌

李國南  
廖烈開

李賀常  
蔣緒多  
李雲積

啓

# 中 央 商 店 新 張 廣 告

竹  
橋  
路  
口

CHUNG YUNG CO  
CHOYEE ROAD  
KONGMOON CANTON CHINA

廣  
東  
江  
門

本店選辦。環球貨品。名廠電器。  
 時髦粧飾。種式新奇。無美不備。  
 兼理外洋。各埠書信。銀兩來往。  
 快捷妥當。每百帶工。双毫二元。  
 中途損失。照足賠償。鄉僑賜顧。  
 請留意焉。

股東  
 宋維新  
 曾社松  
 廖崇熙  
 宋烈益  
 廖崇桓  
 廖崇桓

沙堆交銀人新德隆廖崇桓

# 麗新號

廣東新會

LAI SUN  
Saduey, Sunwui  
CANTON, CHINA

沙堆開張

XXXXXXXXXXXXXXXXXXXX

本號專辦土洋雜貨中西正頭并為利便僑胞起

見兼接外洋各埠書信銀兩來往快捷妥安決不

延悞每百元祇扣帶工銀二元照時價帑亦補足

倘有意外如數賠償倘

蒙光顧請照上列門牌寄來不勝感激之至時價

金錢銀紙仄紙找換

廖修鎮謹白



# 恒昇義記金山庄

香港永樂東街

Hang Sing  
12 Winglok St. E.  
Hong Kong

門牌第十一號

本號專理各埠書信滙兌銀兩開設十有餘年深蒙僑胞信許茲得藉賴以擴充特刷新改良對於紙水照足時價補還益加快捷親交妥當倘有意外損失隨即如數賠償如蒙惠顧請照上門牌寄來無任歡迎

沙堆

司理人資生堂廖宏錦  
天祥

同啓

香港恒昇義記司理人廖學琛  
廷芳

香港恒昇義記以前各梓友所欠該號之賬而今書歸恒昇義記廖學琛天祥二人繼續收理特此聲明以免誤會

# 百和堂

安記

廣東江門太平路門牌一號

BAK WO TONG  
1 TAIPING ROAD  
KONGMOON CANTON CHINA

本店開張數載

大帮補品平沽

兼接外洋信銀

帶工每百二元

諸君留意光顧

專辦參茸藥材

各界無不稱許

認真妥捷交去

意外十足賠回

請照門牌付來

新到野山生晒人參...由一百五換至三百換

補壹號老山大抄參...由六十換至二百換

品 玕春鹿尾...廿換

時 均份三姓關東鹿茸...每份三十二元

價 超等各色應驗玉桂...由十換至一百換

總代理 胡應中著名

八寶救急萬應丹  
跌打還魂真寶丸  
三蛇驅風膏  
熊膽珠珀膏

司理胡君祿 謹啓

香港德輔道中門牌

# 利華洋

LEE WAH YOUNG

154 Des Voeux Road

Hong Kong

壹百五十四號門牌

敬啓者本號利華洋金山庄香港德輔道中電車  
 路一百五十四號門牌三樓全層（即先施公司  
 對面）地方適中專爲僑胞出入利便起見兼准  
 兌各埠來往信銀如蒙梓里光顧將銀送到家中  
 每百元收帶工廣毫銀四大元紙水照時價補足  
 倘有不測照數賠償若原人親到本號收銀每百  
 元收工佣銀二大元伏祈戚友相信不勝銘感之  
 至專此並請  
 旅安

香港司庫曾澤桂

香港司庫

曾子林	林時灼
曾家德	趙炳進
曾紀達	廖玲
曾其棧	曾球
林榮鍊	聶福田

沙堆曾澤芹  
 司事陳仕  
 同啟

經政府考驗註冊  
準為痔科專家

# 痔科專家

◎(廖)◎ ◎(惠)◎ ◎(民)◎

新法  
治療  
內外

江門市常安路惠華藥房

新會沙堆墟惠民藥房

# 痔

不用針割  
不痛不爛  
限日痊愈  
永無復發  
倘有不愈  
原銀奉回  
決不食言

馳名

發冷發熱

黃滂潮火

退熱散

政府化驗

註冊為濟

世良藥

牙科廖頌鵬 女醫蔣月明

# 鉅昌銀號

QUEY CHONG

16 Sunsee Rd.

Kongmoon, China

無線電報  
掛號六八八零  
有線電報

廣東江門新市路六十號

本號專做按揭儲蓄匯兌各埠良兩找換金錢銀  
紙仄紙等生意兼接駁外洋銀信照時價代交每  
百只扣帶工毫銀二元或有損失照數賠足快捷  
妥當若親交來港紙仄紙等分文不扣欲匯返鄉  
中則每百只收滙水五毫貴客光顧無任歡迎

▲存款息項列下

半年期週息

一年期週息

電話九八七號

## 處訊通會支安僑巴古

---

Satuey Kongon Chiwoy

San Nicolas No. 106 Altos entre

San Jose y Finlay Habana, Cuba

---

## 處訊通會安僑華哥溫

---

Saduey Mutual Benefit Assn.

141 1-2 Pender East

Vancouver, B. C. Canada

◀ 處訊通刊本 ▶

(會支安僑鄉堆沙區九第會新)

KIUON WUI

Saduey, Sunwui,

Canton, China

編輯所  
沙堆僑安支會

總發行  
沙堆僑安支會

沙堆同安昌

代理處

江門市  
復興路  
裕禎祥銀號

雲高  
華埠  
沙堆  
僑安總會

古巴  
沙堆  
僑安支會

印刷處

江門  
蓮平路  
南方印務局承印

# ◀ 廣 德 昌 ▶

KWONG TUCK CHONG

Saduey, Sunwui

CANTON CHINA

舖在廣東新會

本號專辦油糖海味雜貨開張十

有餘年歷蒙 貴客光顧茲為擴

充生意起見並接理外洋書信快

捷妥當每百元只扣帶工銀貳元

時價補足倘有遺失如數賠償如

蒙光顧無任歡迎

本店司理人 廖烈鎰 謹白